



Vom Ber?ff vnd stand der Kriegsleüth.

<https://hdl.handle.net/1874/425363>

20 //

Dem Beruff vnd stand der Kriegsleuth.



D. Andreas Dufculus
ANNO M. D. LVIII

Das Buch der ...

...



...

Dem Erbarn vnd nam-
hafftigen Herren Andree Weinhart-
der von Lübeck Hauptman/meinem groß-
günstigen Herren vnd freündt-
lichen lieben Schwager.
Gnad vnd frid in Christo Jesu ic.



Lieber — großgünstiger
vnd freündtlicher lieber Herz
vnd Schwager / In ewerm
nechsten schreibn auß Lübeck
an mich gethan / thut jr vnter
andern / wie ichs nit anders
verstehe / als auß gütmeinen
dem vñ Christlichem gemüt
vermelden / dz jr nun in die 26. Jar / in einem sehr
lichen vnd schweren stande / als bey Kriegshand-
lungen / ewere nahrung habt suchen müssen / vnd
gleichwol souil ymer möglichen gewest / bey mü-
willigen / vngenotträngten / vnd vnchristlichen
Kriegen / euch nit habt wöllen findn lassen. Auch
wie jr zü mehrer versicherung ewer Seelen heyl
vnd seligkeit / euch aller gelegenhait der gefärlig-
keit

Zeit ewers beruffs vnd stands zu erkundigen/ Das
büchlein höher vñ seliger gedächtnus/ D. Mart.
Lutheri fleysig gelesen habt/ welches an Herren
Zissa von Kram/ Ritter 2c. geschriben/ auff die
Question vñ frag/ Ob Kriegesleüt auch in einem
seligen stande sein können. Nach dem sich aber die
Kriegshändel seyt der zeyt/ vnd fast alle Jar ver-
endern/ damit jr nicht in ewerm gewissen der ge-
wissen hoffnung der ewigē seligkeit/ jrgend in zwei-
fel stehen möget/ vñ in ewrem stand/ auch als der
einer/ welcher an seiner seligkeit nit gern fehl schla-
gen/ vnd der hoffnung des ewigen lebens vngewis
sein wolt/ euch fürsichtiglich vnd Christlich
möget verhalten/ ist ewer fleissig vnd embsig bitt
an mich/ Erstlich das ich mich nit wölle beschwe-
ren den spruch Luce 3. für mich zunemen vnd zu
erklärē/ do die Kriegesleüt Joannem den Täufer
fragten/ vñ sprachen: Was sollen wir dan thun?
wie weyt sich der selbige spruch erstrecke/ vnd wie
er ohne beschwerung des gewissen zuhalten sey.

Zum andern/ Dieweil sichs vnterweylen zu-
treget/ das durch Gottes schickung vnd verhäng-
nus/ grosse schlachten/ Stett vnd Lender erobert
vnd gewonnen werden/ begert jr vnterrichtung
von mir auf Gottes wort/ Ob man auch mit gü-
tem gewissen/ der geschlagenen Feinde güter ne-
men/

men/vnd die eroberten Landt vnd Stette plündern/das gut behalten/vnd weg führen mag/vnd wie man solche beute ohne beschwerung des gewissens gebrauchen vnd anwenden soll.

Dif ewer Christlich vñ gütmeind begern vñ ansuchung an mich gethan/hab ich in ewerm schreiben mit freuden gelesen/vnd nit ohne vrsachen/Seytemal nu mehr die welt in disen letzten zeiten/in solche bosheit vnd sicherheit gerathen/das nyemand/oder ja gar wenig zufinden/auch an den orten/da die besten Christen sein sollen/die sich vñ gewissens handel fast bekümmern vnd annemen/das auch schier nanien vñ that zugleich aufgehoben vnd verloschen/wz gewissen sey oder haiffe/wo oder warinne sich yemandts seines gewissens beschwörung zubeforgen hab/Dil wenig werden vnter Kriegsleuten gewissen sachen/zuhoffen oder zugewarten sein/welche nun mehr in sonderheit in disen färlichen vnd letzten tagen/in allen hauptlastern vnd sünden also versuncten vñ erfossen/das wenig seligkeit an jnen zubhoffen/als die jbenigen/welche sich yetziger zeyt/mit kleindern/geberden/worten vnd wercken/nicht mehr Menschlich/sondern ganz vnd gar Teüflisch verhalten/geberden vnd zieren/wie denn solchs alles am tag/vnd täglich mehr erfahren vñnd gesehen

A ij wirt/

wirt/als fromen Christlichen hertzen lieb ist.

Wiewol aber dise zwo fragen in ewerm schreiben fürgestellt/ als hohe vnd wichtige/ schwer zu handeln/ auch vber meinen verstandt vñ vermügen/ dz ich darauff zu antworten/ euch billich hetete abschlagen/ vñ mit güter entschuldigung derselbigen müh mich het vberheben vñ entbrechē können: aber ich hab mir auch ein gewissen sachē müssen darauff machen/ vñ bey mir nit können befinden/ wie ich solche gesuchte vnd erforderete mühe von mir abwendē köndte/ Vnd sonderlich auß der ursach/ dz ich auß ewerm schreibē erfare/ das dennoch auch vnter Kriegsleütē/ vnangesehen/ zu woz gefährlichkeit derselbig stand gerathē/ Christen zu finden/ vñ diser gänzlichen hoffnung vnd züuersicht bin/ durch dise meine arbeit/ nit allein euch/ sondern auch vil andern in gleichem stande/ vil leicht nützlich vñ fürderlich zu sein. Nach dem ich dan nun von Gott (wiewol als einen vrwirdigen) zu disem Ampt beruffen vnd erfordert/ das Reichseins Sons außzubreiten/ der leüt hail vnd seligkeit/ als vil jm̄er an mir ist/ zu suchen vñ zūfördern/ hab ich mich nach ewerm beger vñ ersuchen des handels in namen Gottes vnterstanden/ vnd auß die zwo fürgestelte frag/ mein antwort vñ vnterzucht im Truch lassen außgehn/ nit allein vilen
neben

neben euch damit zu dienen/sondern auch andere
verständigere/erfarnere/vnd mit höhern gaben/
als ich/von Got begnadet/züuerursachē/weil ich
dē handel etwz zuschwach/weitleufriger geschickts
ter vñ förmlicher dauon zuhandeln vñ schreiben.

Nach dem aber D. Luth. hoher vnd seliger
gedächtnus/in disem ganzē handel/den fürnemā
sten grōsten vñ schweresten hauptpunct in obge
nāntem büchlein/an Herz Aissa von Kram/nach
notturfft vñ mit hohem verstand gehandelt/vnd
freilich etwz in demselbigē zu bessern sich niemand
wirt vnterstehn/als nemlich/wie/wen/vñ waser
ley weiß/auch wider wen/Krieg anzufahē vñ zu
füren/wil ich denselbē punct hindan setzē/mich nit
mehr vnterstehn/als ich hinaus fürē kan/bey dem
allein bleibē/wz von mir begert vñ gefragt wirt/
vñ dise stück für mich nemen/Als nāmlich:

I.

Ob Kriegsleit auch in einem Götlichen vñnd seligen
Stand vnd berüff sein/vnd darinne durch den Glauben an
den Son Gottes/können selig werden.

II.

Ob ein Kriegsmān/mit Gott vñnd gutem gewissen/
vñberüffen/dem gschrey vñ Krieg nachlauffen/einen Herz
ren suchen/seinen dienst selber anbieten/auf seinem vorigen
berüffschreyren/vnd die arbeyt zusuchen/auf lieb des müß
siggangs/oder gelt vñnd güt zu erwerben/sich zum Krieg
begeben kan. Ob

III.

Ob sich auch ein Kriegerman/ohne verlegung seines gewissens/zü allen fürfallendē Kriegen/one allen vnterschiede soll begeben/vnd sich gebrauchen lassen.

IIII.

Do einer mit list hinderkommen/vnter einem frembden Titel vnd Namen/sich einem Herren mit Eid zü Krieg verpflicht/vnnd darnach wider Gottes Wort/vnnd wider die Kirch des Herrn Christi/zu streitten solt geführt vnd gebraucht werden. Ob er auch seinē gethanen Eid vnd pflicht zu halten schuldig/ Oder mit gutem gewissen vnd ohn alle verlegung seiner Ehr/ auß dem feld rucken vnnd abziehen kan vnnd soll.

V.

Ob sich auch ein Kriegerman mit gutem gewissen/zü gleich zweyen oder dreyen Herren mit dienst verpflichten kan.

VI.

Ob ein Kriegerman mit Gott vnd gutem gewissen im Streid vürgen vnnd morden/ auch nach eroberung der Schlacht/Land vud Stett/neben andern/anff die Beut lauffen/die Feinde aufziehen/die Kästen reumen/vnnd mit füg/recht/vnnd gutem gewissen/nemen kan/was er mag bekommen.

VII.

Wie solche Güter im Krieg gewonnen vnd erworben/zugebrauchen sein/damit nit so gar wol gewonnen gut/wol mag angelegt werden.

VIII.

Nach dem jezunder die zeit in allen Stenden gefetlich/sonderlich

sonderlich aber im Krieg/ als inn einer grundsuppen aller
laster vnd Gotlosen wessens vnd leben/ alle böse Süben in
einen hauffen zusamen lauffen/ vnd Kriegsleüt nichts an-
ders sein/ als mit einer Ketten zusam gefaßt vnd gekuppelt/
einen hauffen roher/ wilder vnnnd frecher leüt/ bey welchen
zucht/ Ehr vñ Gottesforcht wenig platz hat: Wie ein from-
mer Kriegsman/ als ein Lilien mitten vnter den dörnern/
sich soll verhalten/ das er ein güter Christ bleybe/ auch so es
die gelegenheit vnd noth gibt/ so wol vnnnd Christlich vom
grünen rasen/ als vom Todtbett/ gen Himmel faren kan.

Dise acht stuck wöllen wir mit Gottes hilff
vnnnd gnad nach einander handeln/ das darbey
thün/ als vil vnns möglich/ können wir es nicht
so güt machen/ das yederman gefellig/ wöllen wir
es doch an vnserm fleis nicht mangeln lassen/ vnd
einem andern vergünnen/ das ers besser vnd gar
güt mache. Wöllen zum ersten stuck greiffen.

I.

Ob Kriegsleüt auch in einem Götlichen vnnnd seligen
Stand vnd beruff sein/ vnd darinne durch den Glauben an
den Son Gottes/ können selig werden.

Etliche vnd nicht geringe leüt zü vnsern zey-
ten/ sehen die frag mit allzu sehr scharpffen augen
an/ machen dieselbig schertig/ vnd ganz zweyfel-
hafftig/ ob ein Kriegsman auch könne ein Christ
sein/ in streyten/ kämpffen/ würgen/ morden/ bren-
nen

nen vnd verheren/ ein Christ bleiben/ auch so es sich zutregt/ in solchem farnemen vnnnd wesen/ seliglich sterben kan.

Zu solchem zweifel bewegt vnd verursacht sie erstlich/ die gefehrlichkeit des stands vnnnd beruffs. Zum andern die person/ das Kriegsleut gemeinlich böse freche/ rohe vnnnd blütdürstige gesellen sein. Zum dritten/ die that an sich selber/ als stehen/ würgen/ mördern/ rauben/ nemen/ brennen/ vnd verheren/ der leut/ welche sie doch nyemals verursacht/ verlezet/ noch mit augen nie gesehen haben. Zum vierdtē/ das Kriegsleut in sauffen/ fressen/ hären/ spilen/ hadern/ Gottslestern/ mit der letzten stund vnd todt vbel angetroffen vnnnd gefundē/ auch ohn allen zweifel/ wie sie befunden vnd errascht/ auch also gericht vnd geurteilt werden. Andere mehr beweglichkeit/ so nit sonderlich erheblich / laß ich vngemeldet / aber dise drey wöllen wir bewegen/ ob sie auch den stich halten/ vnd den Kriegsleuten den Himmel abspreschen vnd zu schliffen.

Was nun das erste belangt/ die gefehrlichkeit des standts/ ist nicht von nöthen vil wort dauon zumachen/ der handel ist an sich selber richtig/ vnd auß Gottes Wort genügsam klar vnd offenbar/ daß Kriegen/ Krieg führen/ vnd zum Krieg sich gebrauchen

gebrauchen lassen/ ein rechtgeschaffener vnd von
Gott verordneter Beruff ist/ so wol als andere
Stand vnd ordnung Gottes.

Welches auß dem 3. Cap. Luc. gnugsam zu
erkundigen/ denn so Krieg füren/ oder zum Krieg
sich gebrauchen lassen/ nicht Götlich/ sondern
Teüfelisch vnd verdämlich wäre/ hett ohne allen
zweyfel der Täwffer vnd fürläuffer des Herren/
Joannes/ welcher dozumal nach seinem ampt
vnd befehl/ yederman büß vnd besserung verkün-
diget vnd außschrye/ die Kriegsknecht so zu ime
tratten/ vnd in fragten/ auch mit andern worten
beantwortet/ vnd do jr Stand an sich selber vn-
götlich/ sie ohn allen zweyfel dauon abgewisen/
hassen büße thün/ sich bessern/ vnd zu einem Göt-
lichen Stand zugreifen/ sie vermanet. Weil aber
der heylig Joannes der keines thüt/ sondern iren
Stand lest bleiben/ vnd sie allein vermanet/ was
sie vermeyden/ vnd wofür sie sich hüten sollen/ ist
es an jm selber klar/ daß diser hohe man Gottes
keinen mangel an disem Stand habe/ vnd densel-
bigen für sich/ vñ an sich selber/ lest einen rechten
vnd Götlichen beruff sein vnd bleiben. Do aber
der heylig Joannes/ disen Stand für vngötlich
vnd vnseelig gehalten hette/ vnd den Kriegsknech-
ten/ welche solchs zu erkundigē/ vnd in vnsatz je
B ij leben

leben zu bessern vnnnd endern gewesen/ solchs verhalten/ wesse ich nit wie Joannes inn dem auffrichtig gehandelt/ seinem ampt genüg gethan/ vñ für Gott sich verwaret hette. So ist das auch gewis/ auß dem zeugknuis des Herrn Christi/ welches er Joanni gibt/ Matth. am xi. Cap. das er kein suppen oder Hofprediger gewesen/ sich nicht als ein Rhor vom winde hin vnnnd wider bewegen lassen/ sein predigt nicht nach gunst oder vngunst der leüte gerichtet/ auch nit sein ampt waiche vnnnd köstliche klayder züerwerben/ gerichtet/ oder mit sollicher linder antwort/ etlich Cronen/ oder sonst ain güten Peütspfennig zu erlangen inñ vorsatz vnnnd hoffnung gewesen/ Welcher kaines dem heiligen Joanni mit grund vnd warheit kan oder soll zügemessen werden/ vnnnd nach dem er den König Herodes/ mit gefar seines lebens/ ohn alles ansehen der Person/ außs härteste angegriffen vnnnd gestrafft hat/ ist leichtlich zü ermessen/ das er sich für diser Landtsknecht langen bärten/ spieß vnd degen/ aucht nicht entsagt/ vnd andersi geredt als im bewust/ oder mit solchen Hofworten sie von sich gewisen habe.

Weyter/ das Krieg sären/ vnnnd zum Krieg berüffen/ dem Krieg nach ziehen/ nit verdanilich oder vngötlich sey/ ist leichtlich zü erkundigen auß dem
dem

dem 20. Cap. Deuteronomij/ in welchem Gott durch Mosen sein Volck die Iſraheliter ſelber vnterrichtet/ wie vnd wann ſie Krieg führen/ wie ſie ſich gegen den Feinden verhalten ſollen. Ferner redet der Herr doſelbſt auch inn ſonderhait von priuat perſonen oder Landtſknechten/ welche in Krieg ziehen/ oder darvon bleyben ſollen/ Welches Gott ohne allen zweyfel Moſen nicht hette hayſſen alſo reden vnd ſchreyben/ wenn er am Krieg oder Kriegsſtandt mißfallen gehabt/ oder ſolcher Standt für keinen Götlichen berüff vnd ordnung zuachten vnd zuhalten wäre. Welches auch auß dem genügsam bekräftigt wirdt/ Das Got ſelber ſein Volck auß Aegypten führt/ mit gewapneter handt das Gelobt landt einzunemen/ vnd mit krieg zu erobern/ welches Gott ohne Krieg/ auff ander weyſe/ mittel vnd wege/ nach ſeiner Allmächtigkait wol hette können verſchaffen/ do Krieg führen/ vnd zum Krieg ſich gebrauchen laſſen/ jm zuwider vnd vngelich/ ſeytemal Krieg ohne Leüt/ Reutter vnd Knecht/ nit künnen geführt werden: Iſt nu der Krieg Gottes ordnung/ ſo müß Kriegsſtandt auch ain Götlicher berüff ſein.

Hieher gehören auch die Hiſtorien vñ exempel der Heyligen Gottes/ im Allten vnd Newen

Testament/welche Krieg gefüret/ vnd zum krieg
als in einem rechten vnd Götlichen berüff vnn
ordnung/ sich haben gebrauchen lassen/ als näm
lich/ Abraham/ Dauid/ vnd nach in andere Got
fürchtige Könige/ Im Neüwen Testament aber
Constantinus Magnus/ Theodosius/ vnn
dere. So leßt sich Dauid für seine eygne person
zum krieg gebrauchen/ vnd gibt sich herfür/ auch
vngesordert/ wider den starcken Risen Goliath/
1. Reg. 17. vnd der Exempel seind im allten Tes
tament vil/ vnd nicht nöthig zu erzelen.

Im Neüwen Testament sein vil für Heyligen
gehalten/ Canonisieret/welche im Kriegsstandt
befunden/ vnd auch je leben darinne zubracht ha
ben/ vil frommer Christen haben sich zum Kriege
vnter den Römischen Kaysern/ da sie auch noch
Hayden waren/ vnn zum Christlichen glauben
noch nicht bekeret/ gebrauchen lassen/ vnn gleich
wol sich selber für gute Christen inn disem berüff
geachtet/ vnn auch von ander leüten/ nit anders
(wie dann billich) auch gehalten/ vnd ohne allen
zweyfel auch/ so fern sie im glauben vnd Christ
lichen wandel verharret/ auch für Got selig wor
den/ vnd dises berüffs halben an irer Seelen kei
nen schaden oder gefahr erlangt oder empfangen
haben.

Das

Das solche fromme vnd Christliche Kriegs-
leüt/ solcher irer hoffnung vnd züuersicht durch
den glauben an Christum inn irem gefährlichen
Stand/nit sein betrogen worden/vnd ein Christ
auch wol ein Kriegsmann sein kan vnd bleyben/
vnd dises Standts halben/vom Reich Christi
nicht abgestündert oder gar aufgestossen werde/
das erkläret vnd zaiget deutlich genügsam an der
Herz Christus/Matth. am 8. Cap. do er nicht
allein einen Jaidnischen vnd Römischen Haupt-
manñ/von wegen seines glaubens erhöret/sich
seiner noth annimpt/Nicht allein seinen glauben
hoch erhebt vnd preysset/auffs höchste sich darü-
ber verwundert/sondern er lezt in auch inn solo-
chem berüff/wie er als ein Kriegsmann zu ime
gangen/wider von sich gehen/vnd inn seinem
Stand bleiben/als in dem/welcher im an seinem
glauben vnd seelen heyl/nicht schedlich oder ver-
dänlich/wie dann sich oben der heylige Joannes
der Täwffer/ gegen gleichen personen auch ver-
halten/wie vermeldet. Ander leüt aber/ als Zöl-
ner/öffentliche sündler/Hüren vnd Büben/läzt er
also nicht von sich gehen in der alten haut/leben
oder berüff/Sondern fordert sie ab zur büß vnd
besserung/vergibt in ire sünd/vnd haift sie es nit
mehr thun/wie er dann sagt das er kommen sey/
die

die Sünder zu rüffen/ aber es stehet darbey/ zur
Büß. Schließlich aber dauon zureden/ so ist es an
dem/ Hellt man Obrigkeit für Gottes ordnung/
so muß Kriegsstand auch ein Göttlicher berüff
sein/ seytemal Obrigkeit ohne Diener/ vnnnd
mithelffer/ nit sein noch bestehen kan/ vnd hayst
darumb zu gleich Gottes diener/ Roman. 13. zur
straff vnd zorn/ Kayser/ Hauptman/ Reüter vnd
Landtsknecht.

Das sey von dem genüg/ wider die/ so die
gewissen jr machen/ do es nicht von nöthen/ vnd
durch jr all zu scharpff vrheil/ mehr schertig vnd
stumpff/ als scharpff machen: Do sich aber ye
mandt leßt duncken/ wir gebens zu wolfeil/ vnnnd
hofieren hiemit bösen Büben vnd dem luderich/
ten bluderichten Hosenteüfel/ der habe ein wenig
gedult/ wir wöllen vnns bald hernach genügsam
verwaren/ vnnnd nicht mehr vergeben als wir zü
vergeben haben.

Die ander bewegligkait/ warumb etliche die
Landtsknecht ohn allen vnterscheid auß dem Hy
mel stossen/ vnnnd alle hoffnung der seligkait ab
schneyden/ ist dise/ das nach gemayner erfahrung/
was die person belangt/ Krieg sleüt gemainklich
böse büben/ vñ blütdürstige leüt sein/ bey welchen
für sich selber an irer person/ nicht vil trost noch
hoffnung

hoffnung der seligkeit sein kan. Das müssen wir
auch bekennen/ vñnd lassen war bleyben/ wie es
dann/ vñnd sonderlich zü disen zeyten/ do fast nyra
gends nichts güts mehr ist/ vñnd alles auff die
hessen kommen/ laider allzu war ist: Es hat müß
vñnd arbeyt/ auch in den gar hohen vñnd besten
berüffen/ vñnd ist nun die zeyt/ in welcher die böse
hait vberhand genommen/ die frommen dick ges
set/ aber gar dünne fast in allen Ständen auff
gehen/ vñnd sollen die tage der auferwölten hal
ben verkürzt werden/ so müß sich gewiß der Jün
gste tag nit lang seümen/ Soll Christus kümmer
lich einen glauben auff erden inn seiner zükunfft
finden/ so müß er sich gewißlich bald auffmachen/
eh der glaub gar verlesche vñnd vntergehe/ wie
wir dann solchs nach der lenge inn einem andern
Büchlein gründtlich genügsam erkläret haben.

Demnach do es allenthalben in allen Stän
den groß gefahr hat/ müß gar vil grösser gefahr
ligkeit sein im Kriegsstandt/ in welchem fast alle
böse Büben zusam lauffen/ vñnd darumb die selige
kait jnen auch nit gar wolfeil anzubieten.

Darauf ist das vnser antwort/ das die bösen
vñnd gütten inn disem gegenwärtigen leben im
Reich Christi zu gleich versamlet / wie denn das
Christus

Christus in etlichen Parabein vnnnd gleichnus er
kläret/ sollen vnnnd mögen auch nit von einander
gestindert werden/ nach maynung vnnnd innhalt
der gleichnus vom gütten Samen vnd vnkraut/
Matth. 13. Die frommen vnd auferwölten sein
vnd stehen in allen Ständen/ gleich wie ein schö
ne Lilien/vnter dicken/ stachlichen/ schwarzen vñ
vnfruchtbarren dornen.

Zum andern/ hat der Herz in allen Ständen
die seinen/ Er raffet die auferwölte allenthalben
zusam/ wo sie im werden können/ auff der Gasse
sen/ strassen/ wegschaiden/ vñ hinder den zeünen:
So hat er die seinen auch vnder einem grossen
hauffen böser Buben im Krieg/ wie oben vermeldet/
vnd müssen die frommen der bösen halben in
iren gewissen nicht verjret werden/ sie sein/ leben
vnd sterben/ in waserlay Standt das ymmer sein
mag/ Seytemal nicht der Standt/ nicht die wiro
digkait oder vnwirdigkait des Beruffs für Gott
selig macht/ oder verdampft/ sondern allein der
Glaub vnd vnglaub.

So verunreinigt auch der Stand vnd beruff
nicht die vnreinigkait der person/ sonst müste der
Apostel standt auch vnheylig gewesen sein/ inn
welchem

welchem der Erzbab aller Buben/der Gotsver-
rätther Judas inn gleichem ampt mit den andern
Aposteln war. Es müste kein stand rein sein noch
bleyben. Darumb soll der Krieg vnd kriegsstand
auch nit vngöttlich / ob gleich darinne der gröste
thail Gotlos/geachtet werden.

Zum dritten/ist nit vnser fürnemen/böse Bäu-
ben zu rechtfertigen/vnd in irem bösen Gotlosen
wesen vnnnd wandel zustercken/sondern wir ver-
halten vns in dem fall/wie der haylige Joannes
oben gethan hat/vnd desgleichen der Herz Chri-
stus/reden vnd handeln von frommen Kriegfleü-
ten/welche from in Krieg ziehen/frümblich das
rinne leben vnd wandeln/from auch darinne ster-
ben/solcher gewissen zu vnderrichtē/damit sie die
gefehrigkeit ires Standts/sich nit lassen in irem
gewissen/glauben vnd hoffnung der ewigen selige-
kait ir machen oder verucken/in disem Stande
vngewis leben oder sterben/haben wir dise vnser-
re arbeit für vns genommen.

Auff die dritte vsach vnd beweglichkeit/war-
umb etliche an den kriegfleüten wenig hoffnung
der Säligkeit haben können/der that haben an
sich selber/des würgens vnnnd mördens haben/
C ij auch

auch der leüth/ die sie mit augen nye gesehen/ vil
weniger aber verletzet haben. Bekennen wir
auch/ das für Gott blütnergiessung ein greüwel
vnd grosse sünde ist/ welche so vilfältig vnd hart
von Gott verbotten/ als sonst keine/ wie solchs
sein zusehen in der Historien Genes. am 4. Cap.
wie hässrig sich Gott annimpt des erschlagenen
Abels/ was er für ein hart vrtheil vber Cain sel-
let / wie ernstlich er ferner blütnergiessung ver-
beit. Desgleichen Genes. am 9. ist das erste Geo-
bott/ das Gott Nocha gibt/ do er auß der Archen
gangen/ vnd mit den seinen die erde wider erfül-
len soll/ das er sich mit allen seinen nachkömlinge
für nichts so fleysig soll hüten vnd fürsehen/ als
für blütnergiessung/ da er mit vilen Worten Nocha
solchs wol vnnnd fleysig einbildet / vnnnd spricht:
Alles was sich reget vnd lebet/ das sey ewer speyo
se/ wie das grüne Kraut/ hab ichs euch alles ge-
geben: Allein esset das fleysch nicht/ das noch lebt
in seinem blüt/ denn ich will auch ewers leibs blüt
rechen / vnnnd wils an allen Thieren rechen/ vnd
will des Menschen leben rechen/ an einem yegkii-
chen menschen/ als der sein brüder ist. Wer men-
schen blüt vergeüßt/ des blüt soll auch durch men-
schen vergossen werden/ denn Gott hat den men-
schen zu seinem ebenbilde gemacht.

Wie setzet die vrsach Gott darzu/ warumb
morden vnnnd todtschlagen ein grosse sünd vnnnd
grewel für im sey / das der Mensch/ so erwürget
vnd ermordet wirdt/ sein ebenbild sey.

Dif Gebott wider den todtschlag/ treibt Got
im allten Testament hart/ vnnnd sonderlich durch
das ganze büch Leuitici. So beweyset es auch
die täglich erfahrung/ wie Got mit der straffe bald
hinder den Todtschlegern her ist/ sie selber zu ruck
zur straff zeühet/ das die Mörder auch offt nicht
fliehen können/ ob in gleich alle thor offen stehen/
vnd ob sie gleich entfliehen/ doch sich selber wider
zu ruck wenden. Solchs lest sich auch sehen an
den Blützaichen so man den erschlagenen ablöset/
wie häfftig vnd mit grossen ernst/ sich Gott des
Mordts annimpt/ das solche abgeschnittene glied
maß/ vber ein lange zeyt / auß wunderbarlicher
Gottes schiekhung/ blüten/ so der thäter fürhant
den vnd angetroffen wirt.

Wie aber Gott nun verbeüt zu würgen vnd
morden/ so hat er es auch dargegen widerumb
gebotten vnd verordent/ eben im oben angezoge
nen 9. Cap. Genes. do er spricht: Wer Menschen
blüt vergeüßt/ des blüt soll auch durch Menschen
vergossen werden. Wie den solche wort der Herz
Christus auch braucht/ Matth. am 26. Capitel/

do'er spricht: Alle die das schwerdt zur faust nehmen/sollen durchs schwerdt vmbkomien/vnd ist nu Gottes ordnung/willen vnd befehl/würgen/vnd mörden/vnd ist kein sünd/ist auch nit wider in/weñs in seinem befehl geschicht/nicht allein in der Obrigkeit/sondern auch inn priuat personen: Also hette Abraham seinen einigen Son ohne sünd erwürget/also erwürget one sünd auß Götlichem eiffer Pinehas/Huren vñnd Büben mito einander/Numeri 25. Desgleichē erwürget one sünd/3. Reg. 18. cap. Elias/400. vñnd. 50. Propheten Baal: Vñnd der Exembel seind vil in der schriftt allenhalben/vñnd nit noth alle zu erzelen.

Darumb nennet der heylige Paulus zun Römern am 13. Capit. Solche/so in Gottes befehl würgen/nicht mördet/sondern Gottes Diener. Auß disem allen folget/das der nit sündige/mit würgen vñnd mördet/welchem von Gott das schwerdt in die hand gegeben/als Keisern/Rösnigen/Hauptleuten/Reutern/vñnd Landsknechten etc. so fern solchs allein nicht auß eigener blüt dürstigkeit/mütwillen/vñnd Tyranny geschehe/das man nicht freßlich würge/wo mans wol verhaben/vñnd nicht von nöthen/sondern das das schwerdt sein immer in Gottes befehl vñnd ordnung

ordnung gefüret/ vnnnd zum stechen vnnnd haben
gebraucht werde.

Die vierdte bewegligkait der Kriegsleüt wol
sart an der Seelen sich wenig zutrösten/ ist das
vnordentlich leben/ mit Sauffen/ fressen/ Spilen
hüren/ Gotslästern/ in welchem so sie betroffen/
vnnnd mit dem Todt vberascht / ohne zweyfel
auch also gerichtet werden/ wie sie befunden vnd
antreffen.

Solche leüt sein aussershalb dem Krieg/ gleich
so wol inn gleicher gefahr/ vnnnd gewissem ver-
damnus/ nach dem Spruch vnd vrtail des heys-
ligen Pauli/ 1. Corinth. am 6. Cap. do er spricht:
Wisset jr nicht das die vngerechten werden das
Reich Gottes nicht ererben/ Laßt euch nicht ver-
füren/ weder die Hürer/ noch die Abgöttischen/
noch die Ehebrecher/ noch die Waichlingen/ noch
die Knabenschänder/ noch die Diebe / noch die
Geyzigen/ noch die Trunckenboldt/ noch die Läs-
sterer/ noch die Räuwer/ werden das Reich Got-
tes ererben.

Darumb ist vnser maynung oder fürnemen
nicht/ solche böse Büben inn sünden zustercken/
Sondern wir sagen das allein/ das jr berüß vnd
Standt an sich selber nicht verdämlich sey/ Das
böse wesenn aber vnnnd vbergottlos leben / so
Kriegs

Kriegsleit zum maysten thail führen/das ist ver-
damlich/ inn vnd ausserhalb dem Krieg. Solche
böse wilde vnd vnflätige sew/gehn vns nicht an/
wir gehen allein vmb mit Christlicher vnderwei-
sung/ des gewissen der fromen Kriegsleit/ so sich
von solchem Teufelischen leben enthalten/ vnd
wie Lot mitten vnter einem hauffen grundtböser
Bäben/ zu Sodoma vnd Gomorra: Wie Noa
in der Sündflut/ in Gottes forcht leben vnd blei-
ben/ wie denn alle fromme vnd auferwölten/ so
wol ausserhalb/ als mitten im krieg thün müssen.
Nach dem aber in allen Ständē vnter vil bösen/
Gott dennoch etliche fromme hat/ wie vil auch
derselbigen sein müge/ so tragen wir keinen zweif-
fel/ das vnder vil tausend Menschen im krieg/
auch etliche sein/ die Gott kennen vnd ime züge-
hörig/ vnd wie ander Christen im Wort leben/
stehen vnd sterben/ das dieselbigen auch auf
Gottes wort/ gut vnderichtung benö-
tigt/ vñ wir auch darim disen han-
del für vns genommen haben/ vñ
sowil vom ersten stuck wöl-
len anzeigen/ vnd ne-
men nun das an-
der thail für
vnns.

Ob ein

Ob ein Kriegsmann / mit Gott vnnnd gutem gewissen / vnberüffen / dem gschrey vñ Krieg nachlauffen / einen Herren suchen / seinen dienst selber anbieten / auff seinem vorigen berüffschreytten / vnd die arbeyt zusuchen / auff lieb des müßiggangs / oder gelt vnnnd güt zu erwerben / sich zum Krieg begeben kan.

Auff dise frag ist zu disen vnsern zeyten ein güt vnd richtige antwort hoch von nöthen / die gewissen züuersichern / deren so sich zum Kriege erstlich begeben / wie / wenn / vnd waserley weyß / solchs mit gutem gewissen geschehen oder nicht geschehen kan.

Wenn der grund vnd das fundament erstlich nicht wol verwaret / ist mühe vnnnd arbeit verlor / was man darauff bawet. Wenn sich einer erstlich mit vngewissem oder gar bösem gewissen zum krieg begibt / wirdt er in krieg vil mehr vngewis sein / nyrgendt fride oder thue inn seinem gewissen haben können / an allen dem zweyfel tragen / was er darnach thut oder fürnimpt / sich nyergendt mit sich oder mit Gott können zu friden geben / do würdt auch wenig müth oder fraydigkait zum streyt sein können / soll man gar darüber auff fliegen / ist leichtlich zu ermessen / mit waser hoffnung der seligkait solches geschehen
D kan /

Kan/wenn das gewissen inn sich selber/vnnd für
Gott vnruwig vnd vnfridlich ist.

Darum wirt es hie hayssen/ansfang bedenck
das end/eyle nicht/lauff nicht bald zu wie ein wil
der thörichter Hundt/ Du waist nicht ob du wir
der kommest oder nicht/darumb las güt raht vnd
bedencken vor her gehen/ehe du es angreyffest/
Nymme dich vor wol zu Raht/eh du verknüpfet
vnnd verbunden würdest/das du nicht den leyb
dem Kayser oder König/vnd die Seel (welche
Christus so thewer erkaufft) so schand wolfayl
dem Teüfel vmb zwo oder drey Cronen verkaufft
fest/Nymmet der feind den leyb/so gedencck nur
nicht anders/der Teüfel würdt mit der Seel nit
lang feyren/Kommet es aber so weyt/so ist dara
nach rathen vnnd dencken verloren. Der Todt
gibt dir den Leib nit wider/der Teüfel die Seel
vil weniger. Soll denn vmb einen Monat sold
Leyb vnd Seel so leichtlich verschertzet werden/
das wirt dir in jhenem le ben/ob du es yezunder
nicht achtest/zu hawß vnd hof kommen/das du
darnach mit ewigem heülen vnd zänklappē/wirst
müssen beweynen/was du yezunder so liederlich
vnd leichtfertig verlachest.

Solch

Solch fürbedencken vnnnd rahtschlagen /
welches yezunder hoch von nöthen / war bey
den allten Teütschen vnnötig/seytemal nyemand
selber zu lieff/ ohne berüff vnnnd erforderung/ sie
hatten ire Landt kraiß/ ir ordnung vnd gewon-
hait/ire Oberherzen darzu verordnet/welche inn
Kriegsnöthen auß yeglichem Kraiß vnd Landt-
schaffren / berüfften vnnnd forderten / wie vil sie
bedorffren / Wer aber von der Obrigkeit oder
nach Ordnung der ganzen Landtschafft zum
Krieg erfordert vnnnd berüffen würdt/ der darff
sich nicht lang bedencken was er thun will/ob er
es mit Gott vnnnd gutem gewissen thun kan oder
nit/ Sondern er ist seiner Obrigkeit gehorsam/
siehet auff/ nymmet den langen spieß vnnnd der
wandt/ vnnnd stecket ein frisch fäderlein auff den
hüt/volgendt inn nammen Gottes der erforde-
rung seiner Obrigkeit, laystet ir gehorsam/wie er
für Gott schuldig vnnnd pflichtig / nymmet hertz
vnd müth mit von hawß/sampt dem Spieß vnd
degen/Wo aber gut gewissen/müth/hertz/ degen
vnnnd spieß beysam ist / da ist auch Mannschafft/
sterck vnd künhait/Gott gebe man lige oben oder
vnden.

Das weysen auch die Historien der allten
D ij fromo

frommen Teütschen auß/ wie Ritterlich sie etwa
gesiget/ oder bis auff den letzten mann gestritten
haben/ das offtmals inn einer Schlacht mit den
Römern/zwey/ oder auch drey mal hundert tau
sent/ auch wol drüber auff der Walfstett bliben/
die wunden alle fornen an der brust/ vn̄ nicht am
rugken gehabt haben.

Yezunder aber lauffen ein hauffen böser Bü
ben freuenlich vnd mütwillig zu hauff/ lassen ge
wissen/müth vnd fraydigkait daheim/nemen den
spieß vnd den schatten des leibs von hauff an mit/
weil man noch für dem zapffen sizet in̄ bierkrüg/
fehlet nichts an müt vnd fraidigkait außzutrin
cken/wenn es aber ans treffen gehet/ehe man sich
vmbseheth / wo Gott nicht selber glück gibt / so
weis man nicht wo vn̄sere Landtsknecht fliegen
oder stieben/darnach findet man sie an den Zaun
stecken hängen/ mit den pluderichten Hosenn/ an
welchen sie in der flucht vnn̄d eil hängen bleiben/
vnn̄d ist jimmer schad das sie nicht gar dran blei
ben/ wie dann nit vor langst inn Ungern gesche
hen. Das ist auch die vrsach das yezunder selten
vber zweinzig oder 30. tausent/ auch inn einer
grossen Schlacht bleiben / dann dieweil weder
gewissen/müth/nach hertz vorhandē/ findet man
sie heüßig vnter dem hasen Pahn̄er/ wenn man
meynet

meinet sie streitten vnnnd kempffen am besten vnter irem Fenlein.

Solcher gebrauch mit erforderung der knecht zum krieg/ist auch gebreüchlich gewesen von der Welt anfang her/so bald die krieg angangen/bey allen Völckern/Judē/Assyriern/Persiern/Griechen/vnnnd Römern/ist auch noch gebreuchlich bey den Türcken/Tatern/Persiern/vnnnd andern Völckern mehr. Das diß zulauffen vnberüffen von Reütern vnd Knechten/fast nirgend als bey den Christen nu mehr gebreüchlich vnd auch inn kurtzer zeit auffkommen/wer aber vil besser/der gewissen/der manschafft/müth/sterck/vnnnd grösser glücks halben/es wer bey dem alten gebrauch bliben. Nun es aber verendert/vnnnd nicht wider zu recht mag gebracht werden/müssen wir gleich wol in dem sahl dem gewissen rathen/vnnnd anzeigen/wie weit vnd fern ein Kriegsmann sich in dem fall zum krieg begeben/vnd kan gebrauchen lassen.

Demnach nemen wir für vnns erstlich die Edelleut/welche noch von dem allten gebrauch her der alten Teutschen/je Lehengüter habñ vnd besitzen/für ander leuten mit freihaiten begnadet/auf keiner andern ursach/dann das sie sich von solchen güthern erhalten/in rüstung vnnnd bereit

D ij schafft

schafft sitzen/ vnnnd do es die noth erfordert/ die
Geül vnd gurren zwischen die sporn nemen/ vnd
zu errettung des Vatterlandts/ sich als Kriegs-
leüt gebrauchen lassen.

Vnd im fahl/ da sie ire gebürliche Obrigkeit
selber nicht auff fordern/ oder zum streit vnd krieg
bedörffen/ vnd sie ires berüffs halben Kriegsleüt
sein vnd darauff warten/ acht ich nicht das sie va-
bel daran thun/ do sie sich bey einem andern Her-
ren angeben/ vnd zum krieg/ als welcher berüff
auff dem krieg berühet/ gebrauchen lassen/ Aber
nicht zü allen mütwilligen vnd vngenottrengten
kriegen/ zü verherung Landt vnd leüt/ ires eygen
Vatterlandts/ vil weniger aber wider Gottes
wort/ vnd die Kirch Christi/ wie wir dahinden
solches wöllen weytleufftiger handeln.

Vnd nach dem auch yezunder die Stiffte vñ
Klöster abkommen/ in welche sich züvor der Adel
begeben/ nun aber sich sehr wehret/ der Bawren
arbeyt sich schämet/ dem Bawren aber vnleidlich
so häufig zu ernehren/ Ist es meines erachtens
besser/ den gawl gesattelt/ zwo oder drey büchsen
an sich gehangen/ vnnnd dem fenlein zu gezogen/
wo das zu errettung des Vatterlands/ ehrlich vñ
auffgericht im felde schwebet/ als doheim bey der
Biers

Bierkandel blieben/die Bawren auf den höchsten
grad aufgefogen/ oder des stegreiffss hinter dem
strauch sich nehren.

Die andern/welche vngesordert/sich ohne be-
schwerung iher gewissen/selber vmb einen Herren
vmbsehen/ vnd zu fürfallenden ehrlichen kriegen
können gebrauchen lassen/ sein die Haupteüt/
Rittmeyster/ Fenderich/ vnd alle die ihenigen/ so
allbereyt inn dem berüff sein/ sich iher bestallung
nehren/ vnd ganz vnd gar sich zum krieg begeben
haben/ welche do sie ire Herren/ von welchen sie
in stäter bestallung/ selber nicht haben zugebrau-
chen/ kan ich iher gewissen kein beschwerung auff
legen/ do sie iher dienst andern Herren anbieten/
vnd iher berüff stand vnd condition nach/ zum
krieg sich gebrauchen lassen: Welches ich besser
gethan achte/ als müßig sein/ nichts fürhabē/ bey
dem wein vnd spil sitzen/ Vndoch das solchs auch
nicht geschehe des geiz/ gelts vnd güts halben al-
lein/ denn Geiz taug gar nichts/ stehet in kaimem
sabl züerantworten/ vnd verderbet alles fürne-
men. Do sie aber auß verursachung iher berüffs/
zu errettung des Vatterlandts inn auffgerichtem
kriegen/ sich/ wie oben vermeldet/ auch vngesor-
dert/ selber bey fremden Herren/ vmb dienst vnd
besoldung

besoldung bewerben/ kan in dem je gewissen so
eng nit gespannt werden/ seytenthal ehrliche vnnnd
auffgerichte Krieg/ leüt haben müssen: Weyl
denn nu der gebrauch/ das man solche allenthal
ben zusam klaben/ vnd was man kriegen kan/ an
nemen müß/ lest man disen fall auch billich pas
sieren/ recht vnnnd güt bleiben.

Der dritten halben/ welche noch nicht mit
kriegs berüß/ mit bestallung/ vnnnd jar besöldung
verhafftet/ sondern noch freye leut sein/ vnnnd inn
jrer wilkür stehet/ sich zum krieg zübegeben oder
nicht/ Bin ich fast vngewiß vnnnd zweiffelhafftig/
weil wir mit gewissen hendeln vmbgehen/ was
hie zü rathen/ zü thün / oder zulassen sey / Jedoch
das ich in disem sahl auch das meine thün/ wolte
ich trewlich solchen jungen gesellen rhaten/ weil
der krieg ein sehr gefehrlicher standt vnnnd berüß
ist/ wie oben vermeldt/ vnd noch müh vnnnd ar
beit genügsam hat/ vmb einen rechten vnd guten
Christen/ auch in besten berüßen vnnnd ständen/
das solche junge leut/ weil die wahl vnd wilkür
bey jnen stehet/ das beste/ sicherste vnnnd gewisse
kieseten/ sich zü handtwercken begeben/ oder zur
handlung vnnnd anderer narung/ den krieg krieg
sein ließen/ es werdē sich doch ohne sie/ noch böser
buben

bäben mehr denn zäul finden/ die sich zum krieg
begeben vnnnd ins feld lauffen werden.

Vil mehr acht ich solchs gerathen sein/ denen/
welche schon auff dem schemel sitzen / vnnnd mit
einem gewissen berüff verhaftet/ das sie sich dem
vorwitz nit reyten lassen / auß irem berüff wider
it gewissen schreiten/vnnnd sich mütwillig in ge
far leibs vnd seel begeben/ seytemal ein yeder/ wie
Paulus trewlich vermanet/ 1. Corin. 7. in seinem
berüff/ zu welchem er von Gott gefordert/ blei
ben soll/ dan mit Gott vnd gutem gewissen/ nyeo
mand sich auch darauff mag begeben/ Es were
dann das eine grosse noth für stieffe/ vnd jemand
die Stat darinnen er wohnet / oder seinen Füra
sten / vnter welchem er sitzet / zu retten / auffgeo
fordert würde/ oder des erbfeinds des Türcken
halben / ein gemein abfordern geschehe / vnd an
Knechten in der noth gebrech/ das als dann mit
Gott vnnnd gutem gewissen ein handtwercks ge
sell / den schemel inn die hell werffen/ zum spieß
vnnnd degen greiffen/vnnnd auß seinem berüff wol
schreiten/vnnnd zum krieg sich möchte gebrauchen
lassen.

Dem vierdten hauffen/ welcher dem müffigo
gang nach gehet / nichts lernet oder für hat/ vnd
E auß

aus schew der arbeit/lust vnnnd lieb halben aber
der faulenzerey/ sich zum krieg begibt/ nicht mer
sucht / als das er von ander leüt güter / auch mit
rauben/stelen/vnd nemen/seinen bauch mit sauf-
fen vnnnd fressen fülle /dem weiß ich nicht zu rath-
ten/ kan im sein gewissen nit versichern /vil we-
niger schliessen/ das er also im krieg als ein Christ
leben oder streben kan/ seytemal außserhalb dem
Krieg ein solch leben nichts taug / sondern zum
Teufel vnnnd ewigen verdammus gehöret / nach
dem oben angezogenen spruch Pauli/1. Corin. 6.
vnnnd Galat. cap. 5.

Die fünfften mögen trost suchen wo sie wiß-
sen oder können/bey Gott vnnnd inn seinem wort
werden sie keinen finden/ welche inn dem fürsatz
dem krieg nachlauffen / das sie one arbeit mit an-
der leüt güt wöllen reich werden / darumb sie
auch mit irem rechten namen Krieger genennet
werden/ als die jenigen/ welche in keinem andern
oder bessern fürsatz dem krieg nachlauffen/ als
das sie etwas gedenccken zu ergreiffen/ das im nit
sawer worden/ vnnnd den kassen außzureumen/in
welchen sie nichts gelegt haben/was sie aber zum
meisten teil erkriegen / als leuß / franckheit/ zu
schmarre angesicht / lahme hend/ das erfahren sie
mit

mit der that selber / ist einer der etwas erkriegeret/
so seind jr tausendt dargegen / welche erger betler
haimkommen / als sie weck gezogen sein. Sterben
sie aber darüber / vnd kommen in Krieg vmb / ist
leychtlich zu ermessen was sie erkriegeret haben /
als nämlich die HELL vnd ewig verdammus. Ge-
raths aber gar wol / das einem jrgent ein peüt ge-
linget / so haifts / Male quesit, male perdit : vbel ge-
wonnen vbel entrunnen.

Die sechsten / welche nur auff der Gardt vñ
lauffen / die Bauren plagen / sich des strauchs neho-
ren / wenn sie ein halb Jar in Krieg gewesen / daro-
nach 3. oder 4. Jar auff dem land lauffen / vñnd
sich nit wider nyder auf den schämel setzen / son-
dern des betlen sich nehren / dieselbigen soll Mey-
ster Dix / mit dem Rhad vñ Galgen trösten / vnd
sie inn irem gewissen zu fride stellen / das sie auffe-
hören / vnd es nymmer thun.

Da solten Fürsten vnd Herren zusehen / vnd
solche Landtstreycher / eintweder wider zu dem
handtwerck vñnd schemel treyben / oder do sie
nicht wolten / zum Landt hynaus jagen / oder an
die nächsten bawm hengen lassen / eh das holtz
vergienge.

E ij Die

Die sibenden sein nit werd/das wir ein wort
von in machen/ fürsten vñ Herren solten sie auch
vnter iren Fenlein nit leyden/welche vngefordert
vnd vnberüffen/weib vñ kind sitzen/ hunger vnd
kummer leyden lassen/inn Kriegsläuffren zu loser
gesellschaft sich schlagen/ vnnnd wie es nicht gern
nachbleibt/mit vnzüchtigen weybern sich behen-
gen/welche weyl sie die sünde häuffen/ vnnnd ein
laster mit dem andern beladen/auch darinne ver-
harren/die haben sich nichts zu trösten im leben
oder sterben/als Gotteszorn/vngnad/vnd ewig
verdammnis.

Die achten taugend gar nichts/welche nichts
in der Jugent gelernt/ vnd gleichwol steelen vnd
raubten sich enthalten/auf forcht des Rades vnd
Galgen/zum Krieg aber sich begeben/auf lauter
verzweyfflung vnnnd vberdruß ires lebens/ das
sie nur dauon kömen/ vnd sterben/ sie faren auch
wohin sie wöllen/ Was solche an Gott vnnnd in
selber verzweyffelte leüt im krieg für hertz/müth/
vnd fraydigkait gegen dem feinde haben können/
als die nur zu sterben vnnnd vmb zukommen
begeren/wie sie auch sterben vnd vmb-
kommen/ist leichtlich auß irem ey-
genem fürsatz zu ermessen.

III.

Ob sich auch ein Kriegsman/one verlegung seines gewissens/zu allen fürfallendē Kriegen/ on allen vnterscheid soll begeben vnnnd sich gebrauchen lassen.

Dif dritte stuck bedarff reysen/ gütten/ vnd getrewen Raht/ auß zwaiierley vrsach. Erstlich des gewissens halben/ das man sich nicht zu dem Krieg begeben/ in welchem dich dein eygen gewissen vberzeüget/ vnd offentlich am tag ist/ auch die selber gnügsam bewußt/ das solche Krieg mit vnrecht angefangen vñ gefüret werden/ in welchen ob du dich gleich auffgericht/ ehrlich/ wol vnnnd Christlich vorheltest/ gleichwol ymmer disen strachel im hertze fülest/ daß du nicht vnter dem Herren vnd Fenlein bist/ welchem Gott vnnnd die gerechtigkeit beywohnet/ Vnnnd ob gleich der gerechte von dem vngerechten mit gewalt gedungen vnd vberwunden/ du aber etwas erlauffst oder erlangst/ vnd mit bösem gewissen besitzest/ ist wenig fride darbey/ das gewissen ymmer vnrüwig/ vnd auch das gedeyhen gering.

Zum andern/ nach dem eins yeden kriegsmañs fürsag/ wunsch vnnnd beger ist/ das er vnter dem hauffen sein mag/ do man vberwindet/ gesunde vnnnd ganze hawt/ neben reicher beüt/ mit rühm

vnd ehr/ zu hawß bringe/ ist vorgehender Raht
vndd güt bedencken hoch von nöthen/ welchem
Herzen Gott bey wone/ wo Gott oberster Feldt/
hauptman ist/ welcher Herz einen rechten vndd
auffgerichtten Krieg füret / bey welchem preys /
Ehr/ vberwindung/ vnd ein güter peütspenning
mit Gott vnd gütem gewissen zuhoffen: Hierauf
wollen wir vnser gütduncken vndd raht/ fromien
Gottfürchtigen vnd auffgerichtten Kriegsleütten
fürstellen/ vndd nach dem diser punct seer schwer
vnd wichtig/ das darbey thun/ so vil vnns müg-
lich.

Zum Ersten/ soll ein kriegsman/ der sein ge-
wissen verwaren/ mit gütem gewissen/ freüdigem
herzen vnd müth/ sich vnters Feulein begeben
will/ inn hoffnung auch ganze hawt zubehalten/
vnd mit vollem beütel haym zukömen/ sonderlich
vnd fürnämlich für disem Herzen sich hüten/ sol-
che krieg fliehen vnd meyden/ welche wider Gott
vnd sein wort angefangen/ vnd gefüret werden/
seytemal wider Gott vnd sein wort sich gebräu-
chen lassen/ ohne verletzung des gewissens/ auch
ohne forcht des ewigē verdammnis/ so man darü-
ber auff fleucht/ nit geschehen kan. Darumb ist der
ihenigen fürsatz gar böß vnd verdämlich/ welche
ohn alles fürbedencken/ zu allerley krieggen sich ge-
branchen

brauchen lassen/ Gott vnnnd ire seligkeit in windt
schlagen/ vnd auß frechem hertzen vnnnd gemüth
sprechen: Was sie es achten/ was ir Herz für ein
krieg füre/oder wem es gelte/sie sein kriegsleüt/sie
wolten gelt nemen vnnnd dem Teüfel dienen: Es
wirt aber auch hayssen/dem sie dienen der würdt
in auch lohnen/ mit vollem duppelsold/schwefel
vnd bech/vnd mit ewigem Hellighen sewer/ vnd
in der Hellen sie scharren/buchen/vnd trozen las
sen/ so lang sie wöllen.

Vnd do ein kriegsman gleich die sach nicht so
weyt vnd fern bedächte/ was Gott vnd sein ge
wissen belanget/ solt in doch für solchen Kriegen
sich zuhüten genügsam das verursachen/das bey
solchen kriegen wenig glück/wolart/vberwin
dung/oder güte außpeüt zuhoffen/ nichts gewis
fers aber/als gewisse schleg/güte kauffmanswun
den/oder endtlichs verderben an Leyb vnd Seel
zu gewarten/ vnd darff sich hie nyemandt selbst
betriegen vnd verfären/ das er bey dem gröstern
vnd sterckesten hauffen sich will finden lassen/ der
vberwindung vnd außpeüt als der gewisser ver
sichert/ in hoffnung/ Gott helff dem sterckesten/
nach laut des Sprüchworts/ welches ganz vno
war/vnd in allen Historien der heiligen Schrift/
vnnnd auch Haydnischen geschichten/ vil anders
befunden

befunden / das auß wunderlichem Gottes Ge-
richt vnnnd ordnung / gemeinlich der kleine hauff
den grossen vberwindet vnd nyderlegt / welches
reichlich vnnnd mit vilen Historien köndte erweisen
werden / aber es ist nicht nöthig / dieweyl solches
genügsam auß täglicher erfahrung am tag / vnnnd
yederman bewust ist.

Darumb solt ein Kriegsmañ / der der sachen
recht thün / vnnnd sich weyßlich fürsichen wolte /
dem alten Römer volgen / welcher sagt : Er wol-
te lieber sich bey einem heer finden lassen / mit grös-
ser vnd gewisser hoffnung der Victorien / in wel-
chem lautter Hirschen wären / aber der Oberst
feldherz ein Löw / als vnder einem vil größern
hauffen Löwen / welcher Hauptman ein Hirsch
wäre. Darumb ligt es nicht am größten vnnnd
sterckesten hauffen / es ist sich auch nicht darauff
zäuerlassen / Sondern wo Gott Oberster feldts
hauptman / bey welchem hauffen er sich finden
leßt / da ist glück / syge / vberwindung / vnd gewisse
aufbeüth / vnd ist nicht daran gelegen wie klein /
schwach / vnd gering auch derselbige hauffen sey /
wie solchs fein zusehen in den Biblischen Histo-
rien / wie geringe vnd kleine hauffen / zum offtern
mal den grossen geschlagen / vnd bis auff den letz-
ten mann erlegt haben. Darumb spricht Dauid
1. Reg.

1. Reg. 17. Der Herz hilfft nicht durch spieß vnd
schwert/der streyt ist des Herzen. Vnnd Ionaa
than sagt/ 1. Reg. 14. Es ist dem Herzen nicht
schwer/durch vil oder wenig helffen.

Zum andern/ist von nöthen sein gewissen zu
verwaren/auch zu mehrer hoffnung ganze haut
zubehalten/das leben sampt einem günten Peüt
pfenning wider zu hawß zubringen/auch darauff
sehen/wer die personen sein/so sich mit streyt wie
der einander aufflehnen. Obes gleyche personen
sein/do keine der anderen mit Obrigkeit vnder
woiffen/Als wenn zwen Fürsten gleichs standts
sich wider einander zu felde legen. Ob aber die
eine nydiger vnd der andern mit ayd vnd pflicht
vnterwoiffen/als wenn sich ein Edelman/ Frey
herz/oder Graff/wider seinen Fürsten/von wel
chem er die Lehen entpfahet/Oder auch ein Fürst
wider den Kayser/als seine hohe Obrigkeit/auff
lehnet/in welchem fahl/dann ein Christ leichtlich
kan schliessen vnd abnemen/auff welcher seyten
es vbel oder wol werde zugehen/wo Gott heben
oder nyderwerffen werde/Dann dieweil in vier
den Gebot verbotten/dz sich der Son nicht wie
der den Vatter soll setzen/thüt ers aber/so soll es
im auff Erden nicht wol gehen/Ist auch gleicher
weyß leychtlich zu ermessen/das da mit groß syge
f oder

oder glück sein werde/ wo sich der Bawer wider den Edelmann/ der Burger wider seinen Fürsten/ der Fürst wider seine hohe Obrigkeit zu selbde leget/ seytemal Gott vber seinem wort/ vber seinem Gebott vnd ordnung hellt/ vnnnd leßt dies selbig nicht gern schwechen oder zurütten. Exo^{di} am 22. Cap. verbeit Gott die Obrigkeit mit Worten anzugreiffen/ oder zu schmähen/ vil weniger müß Got gefallen/ wo man sie mit der hande oder heeres krafft angreiffet. Darumb saget Paulus zum Röm. am 13. Cap. Wer der Obrigkeit widersteht/ der widerstrebe Gottes ordnung vnnnd lade Gottes Gericht vnnnd zorn auff sich. Wer aber wider Gott strebet/ vnnnd mit seinem Gericht sich beladet/ kan nicht glück/ sige/ oder vberwindung haben/ vnnnd alle die ihenigen so einem solchen Herzen dienen/ haben keine gewissere außspeit zugewarten/ als gewisse schleg/ blüttige köpff/ vnd vnterligen.

Vnd das erweisen alle Historien/ bey Juden Christen vnd Hayden/ das auffrühr nye kein güte end genommen/ sondern allzeyt gangen/ wie Christus sagt: Wer das schwerdt nimpt/ vnd zucht zu eigener rach/ kompt mit dem schwerdt vmb/ Welches wir zu vnsern zeyten/ in der Bawren aufführ vnd andern fällen mehr/ genügsam erfahren.

Aber

Aber von disem handel weytläuffriger zu
schreyben/will ich mich nicht vnterstehn/ auß vrs
sach/das disen punct D. Luth. hoher vnd seliger
gedächtnus/ an vilen orten/ mit grossem vnnnd
hohem gaist vnd verstand/getriben vnd gehand
delt/dahin ich will gewisen haben all die ihenigen
so in disem sahl gründtlichen vntericht begeren
zu haben. Vnnnd mögen auch das Exempel zum
vberflus für sich nemen/des hohen/heiligen vnd
grossen mañs Gottes des Propheten Davids/
welcher wiewol er wußt das er zum Kénig vber
Iscrahel von Gott erwölet/vnnnd durch Samuel
gesalbet/Saul aber abgesetzt vnd verworffen/
noch wolt er an den Kónig Saul mit hand anlea
gen/mit gewalt in nicht vertreyben/vnd sich ein
setzen/sondern ließ es Gott walten/schicken/vnd
machen/trucket/schmucket vnd lidte sich/wie er
kunt: Do ime aber ein Jüngling die botschafft
bringet/wie Saul inn der flucht inn sein aygen
schwerdt gefallen/Er aber hette im vollendt der
marter abgeholfen/ auß bitt des Kónigs Saul/
leßt David denselbigen auch erwürgen/darumb
das er sein hand an den gesalbten des Herren hat
legen düssen.

Auff dise frag aber will ich kürzlich antwor
ten/Do einer einem Herren mit dienst vnnnd Eyd

S ij verpflichtet

verpflicht vnnnd verhofft were/ mit gutem gewis-
sen seiner verpflichtung halben/ vnnnd ohne verlust
seiner ehr/ der bestallung halben/ sich auß solchem
krieg nicht köndte entbrechen/ sondern sich seinen
Herrn müste gebrauchen lassen / wie hie zuthun
oder zu rathen.

Wo solcher krieg wider Gott vnnnd sein wort
würde angefangen/ haben wir vns allbereit oben
erkläret/ vnnnd wöllens dahinden wider antzren/
Ist in dem fall ein kriegsman weder mit eid noch
pflicht verbunden/ vnnnd kan mit gutem gewissen
vnnnd one verletzung seiner ehr/ sollichz zugs sich
wegern/ das Köf lassen inñ stall stehen/ den harn-
isch vnnnd büchsen an der wand hengen lassen/
vñ sagen: Sein bestallung laute wider menschen
vnnnd nicht wider Gott zu streiten / man müsse
Gott mehr fürchten vnnnd gehorsam leisten als
den menschen. Also verhielten sich die frommen
vnnnd Gottfürchtigen kriegsleut/ vnter dem Kö-
mischen Kaiser Juliano / wenn er sie aufffordert
zu streitten/ so waren sie als bald fertig/ vnnnd lie-
sen sich allenthalben gebrauchen: Wenn es aber
den Christen solt gelten/ so steckten sie ire schwer-
ter ein / lieffen die spieß nider/ vnnnd sagten/ wir
streitten nit wider den Himlischen Kaiser/ wel-
ches gehorsam vns von aller vnser pflicht dem
Kömischen

Römischen Kaiser gethan/ entbindet vñnd entlediget.

Im fall aber/ aufferhalbten Gottes worts vñnd seiner Kirchen/ do jrgent ein Herz sich wider seine hohe Obrigkeit zu streitten vnterstütte/ wo einer mitfüg ohne verletzung seiner ehr/ sich köndte entledigen/ were es wol gethan/ do aber solchs in keinen weg geschehen könte/ sein wol etliche der meinung/ das er seiner pflicht folgen thün/ vñnd seiner bestellung nach gehorsam zu leisten schuldig/ als einer der es nicht endern/ vñnd auß seinem gehorsam nicht schreiten kan/ lest seinen Herren die sache verantworten/ entlediget sich aller vnbilligkeit/ von wegen des schuldigen gehorsams seiner gethaner pflicht / Schlecht aber vnglück zü/ wie in solchen kriegten nichts gewissers zugewarten/ so muß er auch mit seinem Herren leyden/ vñnd von wegen seiner gethaner pflicht/ mit vnterligen.

Wenn es nur vmb ein hand voll ehr zuthun were / wolte ich zü errettung ehr vñnd redlichkeit eben solchs sagen vñnd rathen/ aber vnser fürnemmen ist / die gewissen zu vnterrichten / was für Gott züverantworten/ vñnd ohne verlust der ewigen seligkeit geschehen kan/ Darumb sage ich das darzú/ das ein Kriegsmann solchs fürbedencken

f ij soll

sol/ so bedarff er nicht nach bedenccken/ vnnnd inn
seiner bestallung solche fell bedingen vnnnd auß
nemen / damit er sich solcher gefehrlicher Krieg
mit ehren entbrechen.

Im fall aber/ do einer auß vnbedacht/ on alle
fürbedingung/ mit pflicht vnd bestallung sich ein
gelassen/ die sach so weit vnnnd fern nicht bedacht
hette: Aicht ich das zuthun vnd gerathen sein/ das
er neben andern/ mit gleicher pflichtung verbun
den/ mit henden vnd füssen seinen Herzen von sol
chem fürnemen abwende/ solchen Krieg fallen zu
lassen berede.

Wo aber solchs nicht kan erhalten werden/
müß man sich des gemeinen sprüchworts vorhal
ten/ vnnnd auß zweyen vnglücken das klainest kies
sen/ ein hand vol Ehr/ sein gewissen zu freyen/ in
die schantz schlagen/ für Gott ist ein solcher ohn
allen zweiffel seiner pflicht entlediget/ weil er das
nicht helt/ was er wider Gottes ordnung vnnnd
Gebott nicht zuhalten schuldig/ vnnnd auß vnbe
dacht solchen fall nicht außgenommen/ auch mit
aufgedingten worten/ sich zu solchem Krieg nicht
verpflichtet/ sondern in der gemein sich hat lassen
bestellen/ Vnnnd were in dem fall zu rathen/ nicht
allein

allein die Ehr inn die schantz zuschlahen/sondern
auch lieber inn gefahr des lebens sich zu begeben/
dan mit bösem gewissen fort ziehen/auch wol gar
sterben/vnd an der Seel sich beschweren. Damit
ich kan bey mir nicht befinden/ob einer des getha-
nen Eyds vnd pflicht halben/in dem sein gewis-
sen freyen/die Sünde allain auff seinen Herren
legen/vnd auf seinem büßen dieselbigen aufschüt-
teln/fraydig mit Gott vnd gutem gewissen/wi-
der solche/auch seine höher Obrigkeit/streytten
vnd kempffen kan/das er solcher Sünd sich nicht
gleich auch theilhafftig mit mache.

Vnd ob yemandt hie wolt fürwenden/das
David sich nach langkwiriger verfolgung des
Königs Sauls/zum König Achis der Palesti-
ner begeben/1. Reg. 29. vnd mit dem König
wider Gottes volck vnd den König Saul zus-
streiten allberait sey inn anzug gewesen/vnd auch
fort gezogen wäre/wo der König Achis auftrah
seiner Obersten/als wäre jm nit zu trawen/in nit
hette wider hayssen zu rugt ziehen.

Gibt das der vorgehnde Text vñ die Historie/
das David nye an dem König Saul/als de gefals-
chten des Herzen/hat wöllen handt anlegen/auch
do er es

do er es wol/vnnd mit grosser gelegenhait hette
thun können. Auf welchem volget/das Dauid
ohn allen zweyfel/diſ mal auch nit gesinnet gewese
sen/wider Saul zustreyten / sondern ist villedicht
in dem fürnemen geweest / in solcher gelegenhait
seinen spieß vn̄zuwenden/ sein Volck helffen reto
ten/wie dan̄ sich solchs des Königs Achis Rāht
vnd Obersten besorgeten/vnd wäre auch also ge
schehen/ dan̄ alſbald er sich in des Königs Achis
Land begabe/siele er mit seinem Volck in die vn̄
ligenden Stette/ bekrieget vn̄ plündert dieselben
in̄ schein vnd Namen als hette er solche peüt in̄
Land Israhel geholet. Das darumb diſ exem
pel Dauids der meynung nit kan angezogen wer
den/ sondern vil mehr bestätigt die oben ange
zogenen meinung /daſ sich wider seine hohe Obo
rigkait nyemandt soll oder kan mit gutem gewiſ
ſen gebrauchen lassen.

Zum dritten / ist diſ fürbedencken auch nütz
lich vnd nöthig/güt gewissen znhaben/ mit groſ
sem muth vnd freudigem hertzn/ auch mit gewiſ
ſer hoffnung der vberwindung vnd außpeüt/sich
in̄ s feld zugeben/das ein Kriegsman̄/auch den
Krieg wol anſehe vnd wol bewege/ ob derſelbige
auch auß nothwendiger vnd hochtringender vrs
ſach

sach/ vnd nicht auf Tyranny / mütwillen/ oder
zutrungung werde angefangen / dann es gewis-
lich nit nach bleibt/ wo sich einer zu solchem krieg
gebrauchen lest wissentlich / sein gewissen beisset
vnd naget in/ machet in auch vngewis vnd zwey-
felhaffrig/ inn allen seinem thün vnnnd fürnemen/
vnnnd kan nit felen/ do er so wissentlich vnnnd müts
willig hilffe arme leüt machen/ Land vnd Stette
plündern vnnnd verderben/ das er seinen Richter
vnd anklager immer bey sich im büßen habe/ vnd
alles für vnrecht erkennet vnnnd selber vrtheilet /
was er nur angreiffet/ thüt vnnnd für hat. Mit
was gewissen aber er solch vbel gewonnen güt/
mit vertreybung viler armer vnschuldiger leüts
erworben/ besitzt vnd gebraucht/ wo ers im leben
nit fület noch mercket / wirdt es im Todbett ge-
wis nicht nach bleiben.

Darumb/ nach dem gemeinlich der besser
sach vnnnd recht hat/ der sich not halben wehren
müß/ als der ihenige so den krieg auf freuel vnd
vbermüth (wie es dann gemeinlich geschicht)
ansehet/ vnd gern das vnglück vber dem anseher
hinauf geht/ vnnnd der wider geschlagen wirdt/
welcher erstlich die schleg vnnnd streich außbeut/
auch Gott im Himmel mit vngnad sich auff den
wendt/ der vom fride zum vnfrid genaigt. Aller
G menschen

Menschen hertzen auch wider disen / welcher
den Krieg verursacht vnnnd anseheth / mit disen
worten des 68. Psalms seufftzen vnd bätthen:
Dissipa gentes quæ bella volunt. Herz zu streu die
Völcker die da gern kriegen. Were das der beste
vnd nechste rath/wenn ein kriegsman seinem ge
wissen wol wolte rathen / für schlegen vnd vnfaß
lich verwaren / das er sich für allen dingen hütet
vnnnd fürsehe / für dem Herzen / welcher erstlich
mütwillig vnnnd freuenlich ins feld rückt / vnd lie
ber sich bey dem hauffen finden lasse / welcher ge
drungen vnnnd auß nothwer / das fenden ins
feld faret / welcher ohn allen zweiffel als ein be
drengeter vnd geengstiger / auff Gott sihet / seiner
hilff begeret / vnd die ganze sach Gott / als einem
beschützer der bedrengeten / besilhet vnd heimgibt.
Auff welcher seiten aber Gott sich finden leß /
vnnnd selber mit streit / do ist güt mit ganzer haut
fechten vnnnd kempffen / vnnnd gewisser vberwin
dung vnnnd güter außpeüt sich zu trösten vnnnd zu
fürsehen.

Hieher aber solten wir bringen vil vnnnd
weitlenfftige Historien / bey den Juden / Chri
sten / Heiden / vnnnd sonderlich bey den Römern /
wie gemeynlich der auß dem feld geschlagen /
welcher

welcher erstlich drein geruckt/vñ dem dz schwert
entpfallen/der es erstlich aufgezogē/aber es wur-
de sich verlengen/vnnd dem Leser zūnil werden/
Darumb wöllen wir es lassen anstehen vnd nach
bleiben/vnnd hiebey das dritte stuck wenden las-
ssen/vnd zum vierdten greiffen.

IIII.

Do einer mit list hinderkommen/vnter einem fremb-
den Titel vnd Namen/sich einem Herren mit Eid zū Krieg
verpflicht/vnnd darnach wider Gottes Wort/vnnd wider
die Kirch des Herin Christi/ zu streitten solt gefürt vnd ge-
braucht werden. Ob er auch seinē gethanen Eid vnd pflicht
zu halten schuldig/ Oder mit gutem gewissen vnd ohn alle
verlegung seiner Ehr/ auß dem feld rucken vnnd abziehen
kan vnnd soll.

Diser handel tregt sich sonderlich bey vnser
ren zeyten zū/vñ ist in disen Jaren wol von gro-
sen vnd geringen leüten practicieret worden/vnd
sein vil frommer ehrlicher leüt/ hohes vnd nydri-
ges Standts/ mit geschwinder list vnnd Hispa-
nischer practiken vberylet worden. Etliche ha-
ben sich ehrlich vnnd Christlich wider heraus ge-
würget: Etliche aber darinnen stecken bliben/
gunst/ gelt vnd gut vnserm Herz Gott vorgezo-
gen/aber mit was gewissen/ das werden sie am
G ij besten

besten fülen / vnser fürnemen ist yetzunder nicht
dauon zü handeln/wöllen aber die frag für vnns
nemen/vnnd kürzlich darauff antworten.

Erstlich/weil wir dis büchlein nit rohen freo
chen Kriegsleuten/welche gelt nemen vnnd dem
Teuffel dienen/ vmb gelt vnnd güts willen nicht
allein die Kirch Christi / sondern auch wol den
Himmel hülfen Stürmen/ wenn sie in mit iren
spießsen / henden vnnd hertzen erreichen könten/
sondern den frommen zü nutz vnnd Christlicher
vnterrichtung schreyben / bedörffen dieselbigen
inn dem fall vnser vnterrichtung gar nicht/seytes
mal einem jeglichen frommen Christen nu mehr
auf Gottes wort selber bewust / das man Gott
mehr gehorchen soll vnd müß/ als der weltlichen
Oberkeit. Nu hat sich ja ein jeder Christ inn der
Tauff mit Gott verpflichtet vnd verbunden/nicht
dem Teuffel/ sondern Gott zü dienen. Da denn
nun einer vnter einem schein eines Engels des
liechts betrogen/ zu solchem krieg verhasst vnnd
verbunden were / hat er den raht bey sich selber /
als nemlich wissentlich wider Gott vnnd sein
wort nicht zu handeln / bey verlust seiner seelen
seligkeit / thüt derhalben wol vnnd Christlich /
wenn er on alles bedencken wider auf solchem
krieg rücket / wie er mit betrug vnnd hinderlist /
hinein.

hinein kommen/ist jm auch an seiner ehr nit allein
vnshädlich / sondern für Gott vnnnd der Welt/
hoch ehrlich vnd rhümlich/ seytemal niemand die
pflicht oder Eyde zuhalten schuldig / so wider
Gott vnnnd sein wort gethan/ Vnd derjenige für
Gott vnnnd der Welt meineidig/ vnnnd vnehrlich/
welcher Gott bricht vnnnd den menschen heldt.
Do aber einer der sachen ein schein machen/ vnnnd
einen mantel vmbhengen wolt/ seiner gethaner
pflicht halben/ bey solchem krieg verharren/ als
der nun nicht fürüber/ vnnnd fort müste/ aber in
herzen nicht die pflicht oder ehr / sondern allein
den geitz/gelt vnd güte meinet/der soll wissen/das
man wol einen menschen / aber nicht Gott / kan
betriegen / welcher auch der herzen erkündiger
ist. So soll es jm auch grosse kunst kosten / bey
rechtsinnigen vnd ehrliebenden leuten/ seiner ehr
halben sich zu recht fertigen / das er auch für der
welt wie für Gott/nit für einen ehrlosen/trewlo-
sen/vnd aller erbarkeit vergessenen man gehalten
vnnnd gescholten werde/ eben in dem/ do er vnter
falschem schein/ ehr vnd redligkeit halten will/do
sie nicht zuhalten ist/ sich für einen ehrlichen man
ausgibt/sein pflicht vnd Eid zuhalten/do sie nie-
mand dann allein ehrlose / Gottlose / vergessene /
vnnnd lose leut zuhalten schuldig.

Do einer aber der sachen besser helfen wolt/
vnnnd zur beschönung seines gottlosen fürhabens/
wider Gott vnnnd sein wort sich zugebrauchen
lassen/ fürgeben/ das er one leibsgefahr sich auß
dem hauffen nit entbrechen/ bleiben/ oder das
leben drüber lassen müste: Der selbige höre was
im Christus für ein antwort darauff gibt/do er
spricht/Matth. am 10. Cap. fürchtet euch nicht
für denen/ die den leib tödten/ vnnnd die seel nicht
mögen tödten: fürchtet euch aber vil mehr für
dem/der leib vnnnd seel vertreiben mag in die Helle.
Wer mich bekennet für den Menschen/den will
ich bekenen für meinem Himlischen Vatter: wer
mich aber verleügnet für den Menschen/ den
will ich auch verleügnen für meinem Himlischen
Vatter/ Wer sein leben findet/der wirdts verlies
ten: vnnnd wer sein leben verleuret/ vmb meinet
willen/der wirds finden.

Nim nun deinen langen spies vnnnd versuchs/ ob
du vber disen text kanst springen/ dein leben er
retten/ vnnnd bey solchen kriegem sein vnnnd bleiben/
ohne gewisse verlust deiner seelen/Schürze dich
auff so hoch du wilt/so bleibst du im kot vnnnd ge
wissen verderben stecken/da wirdt nicht anders
auf/darum betrieg dich nicht selber/ behalt Gote
tes gunst/vnnnd hoffnung der ewigen seligkeit/
vnnnd

vnd laß faren was nit bleyben will/ Ehr/leyb/
oder leben. So vil wöllen wir auch auff dise 4.
Frag geantwort haben/was mehr dauon zuhan-
deln/das haben wir allbereyt im vorgehenden
dritten stuck vermeldet / Wöllen nun die fünffte
Frag für vns nemen.

V.

Ob sich auch ein Kriegsman mit gutem gewissen/ zu-
gleich zweyen oder dreyen Herren mit dienst verpflichten
kan.

Zu vnsern zeyten ist es sehr gebräuchlich vnd
gemein worden/ daß sich die Kriegsleut vmb vi-
ler Herren dienst bewerben/ vnd zugleich von
mehr als von einem/ ire besoldung vnd bestal-
lung haben/ Das solches aber nicht gar wol ge-
than/ vnd im gewissen auch nicht wol kan ver-
antwort vnd durchbracht werden: will ich kürz-
lich bewerren vnd anzeygen. Vnd fürs erste sagt
Jesus Luce am 3. zu den kriegsknechten/ so irs ge-
wissen halben raht von im begerten/ vnd spricht:
Sie sollen sich an iren Stipendiis genügen lassen.
Sich aber an seiner besoldung benügē lassen/ er-
fordert nit viler Herren dienst/welcher grund vnd
fundament/ist allein der Geytz/ Nun ist der geiz
an sich selbst ein verdämlliche Sünde/ vnd wie
Paulus weyter sagt/auch ein rechte Abgötterey/
so

so volget auch hierauf/ do vmb viler Herzñ diens-
te sich vmb thün/ allein gelts vnnnd gñts halben
geschicht/ ohne beschwerung der gewissen nit ges-
chehen kan/ für Gott sündlich sey vnnnd auch für
ein sünd zu achten vnd zuhalten. Das deswegen
ein kriegsman bey der antwort Joannis soll las-
sen bleiben/ vnnnd wenden/ sich an zimlicher besole-
bung benügen/ vnnnd den geiz sich nicht besitzen
lassen/ so fern man anders recht thün/ vnd Christ-
lich in disem beruff vnd stand sich will verhalten.

Zum andern sagt der Herz Christus selbst/
Matth. am 6. Cap. das niemand zwayen herñ
dienen kan/ kan man aber zwayen nicht zugleich
dienen/ wie vil mehr jr vilen? welches so es inn
liechtern vnnnd geringern stenden nicht kan gesche-
hen/ wirdt ja vil vnmöglicher sein/ inn kriegs-
hendeln. Nu ist das aber an jm selber ein betrug/
einem dienst zusagen vnnnd nit leisten können/ das
gelt vom Herzñ nemen/ vnnnd den dienst nachlas-
sen/ Vnd wenn man jm seinen rechten Nammen
wolt geben/ möchte man es wol vnd billich einen
heimlichen diebstal nennen: diebstal aber vnnnd
güt gewissen kan nicht beisam stehen/ vnd ist der
sünd eine/ welche Paulus vnter denē zelet/ Joan.
am 6. welche den eingang zum Himel hindern
vnnnd

vnd wehren/ bey denen so darinnen bleyben vnd
verharren.

Zum dritten/ gebe ich einem frommen Ehrlieb-
benden Christlichen Kriegsman selber zubeden-
cken/ wenn sichs zutrüge (wie dann wol kan ge-
schehen) das eben dieselbigen Herren wider ein-
ander zu felde legen/ mit was gewissen er einem
bey stehen/vnd den andern köndte auß dem felde
helffen jagen: Vnnd das ich die gewissen sachen
hindan setze/waß ich nicht/ wie solchs ohne ver-
lust der Ehr vnd erbarkait geschehen könne.

Zum vierdten sagt Paulus/ das ein yeder in
seinem Beruff bleyben soll / vnnd darauff nicht
schreytten/ Demnach will es auch einem Christo-
lichen Kriegsman wol an stehen/ das er auff sei-
nen beruff sehe/vnd nicht nach grossen gelt vnd
güt: Mit Gott vnnd gutem gewissen bey einem
Herren seines beruffs warte/ vnnd sich an seiner
besoldung genügen lasse.

Doch den handel ein wenig zu lindern/ wolt
ichs dennoch darfür halten/ das einer auch mit
gutem gewissen zwaien oder dreien Herrn dienst
zusagen köndte/man müß aber den schalck nit mit
vnterlauffen lassen/nicht das böse mit dem guten
menteln/vnd kündt auff dise weiß geschehen/Als
nämlich/ wenn sich einer einem fridlichen Herren

zu dienst versprochen/ vnd von Gott zum Krieg
mit seinen gaben begnadet/ aber dieselben/ seinem
berüff nach/ nicht brauchen köndte/ vnd gleich
wol auch nicht gern so auff der Beern haut ligen
vnd faulenzgen wolt/ das derselb mit gutem ge
wissen/ doch mit vor bewust vnd bewilligung sei
nes ersten Herrn/ auch noch einem/ oder wol auch
dem dritten Herren dienst zusagen köndte / doch
mit dem bescheyd/ das er auff seinem berüff vnd
nicht auff dem Geytz füsse vnd gründe. Sonder
lich aber auch mit der bedingung vnd vorbehal
tung/ wider seine andere Herrn sich nicht gebrau
chen zu lassen.

Im fall aber do auch dieselbigen Herren vna
ter sich vneins wurden/ könte er meins erachtens
wol/ vnd mit gutem gewissen/ wider den andern/
welchem er mit vnterscheid dienst zugesagt/ strey
ten vnd sich gebrauchen lassen. Es ist aber nicht
güt etwas inn gefährlichen händeln nachgeben
vnd vergünnen / denn der schalck laufft gern
mit vnter/ Vnd wem ein finger brayt erlaubt/ der
nimpt gern zwo händ brayt darzü inn glei
chem gewissen/ doch kan sich ein Christ
in dem wissen zuhalte/ bösen Bü
ben ist nicht zu helfen.

VI.

Ob ein Kriegsmann mit Gott vnd gutem gewissen im
Streit würgen vnd morden/ auch nach eroberung der
Schlacht/ Land vnd Stett/ neben andern/ auff die Beut
lauffen/ die Feinde aufziehen/ die Kästen reumen/ vnd mit
füg/ recht/ vnd gutem gewissen/ nemen kan/ was er mag
bekommen.

Dise frag begreiffet inn sich zwey stuck/ würgen
gen vnd morden/ nemen vnd plündern/ ob es
auch mit gutem gewissen ohne sünd geschehen
kan. Wollen das erste für vns nemen vñ handeln.

Wie hart aber vnd mit waser ernst/ Gott
morden vnd würgen habe verbotten/ vnd doch
nach seiner gelegenheit nicht wider Got oder sein
Gebott sey/ das haben wir inn dem Ersten stuck
allberait gehandelt. Vnd ist das die Summa
vnd Inhalt darvon/ Weyl Gott das Schwert
der Obrigkeit in die hand gegeben/ vñ it befolhen
die bösen zu straffen/ so ist auch ohne zweyfel solch
töden/ welches nach Gottes befehl vnd Ordi-
nung geschicht/ nicht sündlich/ sondern ein gut
vnd Gott wolgefellig werck/ Aber inn solchem
ampt vnd ordnung nicht straffen/ würgen/ vnd
morden/ ist Gott hart zu wider/ wie solches sein
zu sehen inn der Historien des Königs Saul/
1. Reg. 15. do das Volck wider Gottes befehl
etliche Kinder/ ochffen vnd Schaf behalten/ vnd

S ij nicht

nicht alles erwürget/ auch Saul selber/ den Kö-
nig Agag der Amalekiter/ beym leben erhalten/
kompt Samuel der Prophet/ sagt im auß Got-
tes befehl das Königreich wider ab/ nymmet
den König Agag selber beym kopff/ vnd schlecht
in zu todt. So leßt es sich sehr tyränisch ansehen/
das die Israheliter/ im einnehmung des gelobten
Landts/ alles erwürgen vnd morden/ Man vnd
Weib/ auch die jungen kinder in der wiegen/ vnd
müß kein Creatur lebendig bleiben. Wenn solchs
von Heiden geschehen/ die es doch nicht oder gar
selten gethan haben/ so wären alle Bücher vol
daruon geschriben/ vnd als ain greulich vn-
menschlich ding in der ganzen Welt aufgeschry-
en worden. Aber weil es Gott den Israhelitern
befohlen/ ist recht vnd wol gethan/ auch für
keine Tyranny oder wütereÿ/ sondern für ein güt
werck zu achten. Also leßt sich auch gang tyrä-
nisch vnd vn menschlich ansehen/ da 2. Reg. cap.
12. David die Stat Rabba erobert/ alle mensche
vnd einwohner der Statt vnter eysern segen/ za-
cken/ vnd keyl/ in einem Ziegelofen leßt verbren-
nen/ das dergleichen Historien nicht bey den Hey-
den zufinden/ noch ist hie vom David wol ge-
than/ vnd Gott nicht misfellig/ vnd so grausam
vnd erbärmlich geht David auch darnach vmb/
mit

mit allen eroberten Stetten der Kinder Ammon.
Solche Historien aber werden vnd haissen Ty-
ranney/ wenn sie aussserhalb Gottes ordnung
vnd befelch/ auf sonderlicher blütdürstigkeit je-
gendt eines Tyrannen geschehen/vnd ohn allen
zweyfel Gott hart zu wider/wie er denn alle Ty-
ranney ye vnd allweg/aussserhalb seinem befelch/
hart gestrafft hat.

Demnach will ich nun also sagen vnd schlies-
sen/das ein kriegsman wol vnd recht/ auch in sei-
nem beruff ain güt werck daran thüt/wenn er in
einem rechten auffgerichtem Krieg/vnter einem
Herzñ/welchem Got den syge gibt, in der schlacht
mit fraidigem mütth vn hertzen/vmb sich schlecht
vnd sticht/würgt vnd mördt/was er mit dem
spieß erraichen kan/ohn alles mitleiden/gleich wie
Elias der grosse vnd heylige man Gottes/auff
ein mal 400.vnd 50. propheten Baal erwürgt/
vnd gleichwol ein frommer Prophet vnd heylig-
er man Gottes bleybet. Vnd dieweil krieg ein
rütth vnd straffe Gottes ist/die bösen damit heim-
zusuchen/ist im krieg würgen vnd morden/ als
ein güt vnd Götlich werck/ als wenn ein Rich-
ter in einer Statt/ durch den Scharpff Richter
böse büben leßt köpffen/hengen vnd rädern.

h ij Darumb

Darumb ist es auch für keine sünd zuhalten
wenn ein Kaiser oder König / auß vrsach für
Gott vnnnd der welt erheblich / in einer eroberten
Statt alles befilcht zu erwürgen / das ein kriegs-
man auch der kinder in der wiegen nit verschont:
Wo aber trawñ der König ein Tyrann vnd wütes-
rich ist / der Krieg auch zugenötiget vnd vnrecht /
do sündiget in dem fall Herz vnd Knecht / vnnnd
ist alles für Gott vnrecht vnnnd sträfflich / was
sie baide thün.

Wie aber Christliche Kaiser / König / vnnnd
Herren / auch inn rechten vnnnd auffgerichten krie-
gen / nicht sollen tyrannisiern vnnnd vnschuldig
blüt vergiessen / noch von den iren vergiessen las-
sen / wenn sie es können vberhaben sein / vnnnd nit
ires ampts halben auß genügsamer vrsach / oder
auß Gottes befehl thün müsten / sondern sich
nach diser regel des Poeten Virgilij verhalten /
Parcere subiectis, & debellare superbos, Ist auff
dismal vnser fürnemen nit die Oberherren vnnnd
Kriegs Potentaten zu vnterrichten / wie sie krie-
gen vnnnd krieg führen sollen / sondern wir dienen
jegunder allein den kriegsleuten / als iren dienern
vnnnd knechten.

Demnach wie ein kriegsman one sünd / wür-
gen vnnnd morden kan / so ers auß befehl seiner
Obrigkeit

Obigkeit in seinem beruff thüt / also macht er auch eine grosse sünd darauß / wenn er ohne noth aus eygner blüturstigkeit / mehr als jm befolhen inn dem fall thüt / Darumb muß sich ein frommer kriegsman in dem selber probiern vnnnd fürsehen / was er inn seinem beruff thüt / oder nit / was er auß befehl / oder auß eigener affect vn begird thüt.

Hierauß folget das ander stück / vom plündern vnd nemen / das das selbige in gleichem fall / wie das würgen vnnnd tödten / auch nicht sündlich / sondern ein jeder mit gutem gewissen den erschlagenen feind plündern / auch inn den Stetten auß den kassen nemen mag / was jm kan werden. So ist nicht vnrecht gethan / weils auß Gottes befehl geschicht / das die Israheliter ganz Aegypten Land berauben / vnnnd mit sich weg nemen. So lest Moyses vnd Josue alle Stett plündern inn gelobten Land / vnnnd einen jedern behalten / was jm worden.

Dargegen aber lest Josue Acham / mit hauß vnd hof / oxsen / küe / kelber / weib / kind / vnd alles was jm zugehörig verbrennen / von wegen eines Babylonischen mantels vnnnd etlich golds haben / welches er wider Gottes befehl von feinden genommen vnd behalten hat. Vnd ist on allen zweiffel ein grosse sünd für Gott auch bey vnsern Kriegs

Kriegsleuten / wenn sie eh zugreyffen / als jnen besolhen / mehr nemen / als in erlaubt / arme vnd betrüble leüt machen / ohne noth vnd ohn alles mitleyden / auch wol zu nicht mache was sie nicht mitnemen können / damit ja die armen leüt nichts behalten. Darumb ist bösen vnd vng gehaltenen Buben / welche nur des rawbs vnd nemens halben sich zum krieg begeben / in dem fahl nicht wol zu rathen / sie thün sonst mehr als recht ist / Aber fromme kriegsleüt / so Gott für augen / vnd jr gewissen in acht haben / auch sich nach der liebe des nächsten richten / wissen sich selber in dem wol zu halten / was sie nemen oder nicht nemen / was sie auff heben oder ligen lassen sollen.

Ob nun aber hie einer wolt einen schalckdeckel machen / in sünde entschuldigung fürzuwenden / vnd sagen : Was hilffts das ich mich from vnd Christlich verhalte / nicht neme was mir werden kan / auß mitleydung Christlicher liebe fürüber gehe / den armen betrüblen leütthen nicht alles neme / so kompt mein Gesell hinter mir her / der lefts nit nachbleiben / hab ichs nicht genommen / so nimpt ers / Warumb solt ichs dann nicht gleich so mehr nemen / es bleibt jm doch für einem andern nicht. Hierauff will ich kein antwort geben /

geben/ sondern allein dise Historien erzelen/ welche sich zur zeit hat zugetragen/ das ein Kriegsmann einer armen frawen die Kue auf dem stahl name/ vnnnd die fraw bath er solt sich ires ellendts erbarmen/ vn̄ nur das pundte kelbigen lassen. Do sagt der Landtsknecht/ es ist vmb sonst vnd verloren/ du würdst das kalb nicht behalten/ Dann ob ichs nicht neme/ werdens meine Gesellen hyn der mir/ dir nicht lassen/ Nam also Kalb vnd kuh auf dem stahl. Do aber derselbige Landtsknecht sturbe/ vnnnd die Teüfel in der lufft nach der Seel griffen/ Er aber bitt/ sie wöllen in faren lassen/ vn̄ nit auffhalten. Sagt ein Teüfel: Es ist hie bitten vnd flehen vn̄ sonst vnd verloren/ Neme ich dich nicht/ so nimpt dich doch ein anderer/ fürte also den guten Gesellen dahin/ ohn alle barmherzigkeit. Nicht besser wirt es ergehn allen den ihemigē/ welche ohn alles mitleyden ohne gewissen/ nemen vnd rawben/ was sie wol könten entperen/ vnnnd auch nicht befelch haben die vberwundene arme leüt/ so gar züuerderben. Vnd sein die kriegsläufft inn disen letzten zeyten so gar gefährlich worden/ das in disem punct nit sicher vnnnd güt/ etwas zu rathen oder zu erlauben/ seytemal der Krieg sleüt thün vn̄ datum nun alles auffrawben vnd nemen gesetzt ist/ nit allein den feinden/ sondern auch den

J freüne

freunden/ das kein gut pferd/ küe/ gans/ hün/ but-
ter/ vnd speck/ in keinem Dorff bleibet/ wo vnser
Reitter vnd Knecht jezunder durchziehen / das
die armen leüth inn Ungern sagen/ sie wöllen lie-
ber den Türcken als einen feind/ denn die vnsern
als freünd im land haben. Der Türck wo er nit
als ein feind ziehet/ leß er nyemandts nichts ne-
men/ sondern vmbß geldt bezalen/ Vnser alte
Deütschen färeten jr victualia auch mit sich/ sie
hätten nicht ein hünigen einem Bawern im dorff
genomien/ Aber jezunder reümen sie stall/ kassen/
boden/ vnd Keller/ erger als die feind/ wo sie nur
durchziehen. Wer kan aber solchs loben/ wer kan
sagen/ das solche Gesellen wol aufffliegen / wer
will sich solcher krieger seligkeit tröste? was wurd
de Johannes zu solchen Kriegsleüthen anders ge-
sagt haben/ als jr seyt Dieb vnd Strassenreuber/
Gottes gericht/ zum vnd ewiger verdammnis vns-
terworffen/ Wer sie auch anders verhelt/ oder jr
fürnehmen rechtfertiget/ vnd für kriegsrecht ent-
schuldiget/ ist mit jnen inn gleichem verdammnis/
Weil wir aber sicher vn one gefahr in disen gfehr-
lichen zeyten/ in disem punct nichts weitläufftiger
können handeln/ wöllen wir hie abbrechen/ vnd
zum 7. stuck greyffen.

Wie

VII.

Wie solche Güter im Krieg gewonnen vnd erworben
zugebrauchen sein / vnd auch nit so gar wol gewonnen güt /
(wie es dann so genau nit zugehet) wol mag angewende
werden.

In diser frag fallen vns auch zwey stück für
zuhandeln / Erstlich der gebrauch der wol erwor-
benen güter / mit Gott vnd gutem gewissen. Zum
andern / wie es im fleysch vnd blüt auch bey den
Heyligen nit gar rein ist / vnd auch die frommen /
den vngerechten Mammon zu sich brengen / son-
derlich aber im Krieg / do grösser vnd sicher frey-
heit / auch mit besserem schein zunehmen / wie sol-
cher vngerechter Mammon zugebrauchen / das
er nicht schedlich oder verdammlich.

Was nu das erste belanget / wie die güter im
Krieg gewonnen / wenn es recht zugehet / mö-
gen vnd können auch wol gebraucht vnd ange-
wendt werden / Darff ein Christ inn dem nit vil
vnterrichtung / seytemal ein yeder auf Gottes
wort wol weiß / was er seinem nechsten nothtürf-
tigen zuthun schuldig / wie er gegen jm mit Chris-
tlicher lieb verhasst vnd verbunden / das / wie er
im krieg mit seinen Gaben / sterck / müt / geschick
I ij. ligkeit /

ligkeit / seinem nechsten gedienet / die bösen zu
straffen / gerechtigkeit vnd fride zu erhalten / auch
mit den erworben gütern / seinem nechsten dienst-
lich vnd fürderlich sein soll. Kurtz aber danon
zu reden / sagt der heylige Paulus / zun Ephes. am
4. Cap. das alle redliche vnd aufgerichte narung
vnnnd werbung / welche ohne diebstal vnd betrug
des nechsten geschicht / im krieg / oder außserhalb
des kriegs / dahin soll gericht vnnnd gewendt wer-
den / das der arm vnd nottürffrig / welcher alters
oder krankheyt halben / sein Brot mit kan erwor-
ben / dauon soll gespeysset / getrencket / vnnnd erhal-
ten werden : Seytemal alle Christen nach der
Tauff nicht inen / sondern (nach Got) iren nechs-
ten zu güt vnnnd dienst leben / auch von Gott mit
mancherley Gaben / künsten / geschickligkeit / vnnnd
vberflus der zeitlichen. ^{er} begabet / das sie irem
nechsten damit dienen jouen / wie solches der Herz
Christus sehr fein erkläret / im gleychnus von den
knechten / welchen der Hausvatter seine güter vnt-
tergibt / vnd die pfund auf den wücher heist auf-
thün / Matthei am 25. Capit. Das dise gelegen-
heyt mit den Christen haben soll / was in Gott
inn seinem reichen seggen / auch im schlaff zuwirffet
vnd bescheret / es geschehe durch eine reiche auß-
peut im krieg / oder wie sonst Gott einen mit
gütern

gütern begnadet/ das er sie mit milder hand/ als darumb vertrawte pfundt/ auff den wücher inn die hende der armen vnd notturfftigen geben soll/ der meinung vnd fürsatz/ das er als ein getrewer knecht/ mit den vertraweten gütern das thün will/was im Gott zuthün befolhen/vnnd ob wir nichts damit verhoffen züerdienen/ als die wir nur vnnütze knecht sein/vñ kaum mit dem geringsten finger anrühren/ was vns zuthün befolhen/ soll doch auß reicher güte vnd gnade Gottes/ hie zeitliche vnnd dort ewige belonung/ wie in disem gleichnus vermeidet/nicht aussen bleiben.

Vnd ist der knüttel inn diser parabel beym hund gelegt/ do yemandt so vergessen vnd vngetreu/ sich wolte inn solchen vertraweten gütern befinden lassen/ vnnd dieselbigen allein zü seinem nutz/wolfart/hoffart/ vnnd pracht verscharren/ das Gott als bald hinter demselbigen vngetreuen knecht her sein will/ rechenschafft von im fordern/ hie zeytlich dieselben güter vonn im/ oder ja von seinen Kindern nemen/ denn ein solcher sparrer vnnd vngetreuer Knecht/ muß auß Gottes wunderbarlicher schickung/ als zu einer verdienten straff/einen verzerer haben/ wie es dan die erfahrung reichlich aufweyset/ das der dritte Erbe

selten derselben vergrabenen Güter fro wirdt.
Wen sich Got aber an solchen vngetrewen knecha-
ten wol gerechnet hat/ solt noch nicht genüg sein/
sondern will in zum vberflus in die eüßerste Fins-
sternus werffen vnd stossen lassen.

So vil wollen wir auff das erste stuck diser
frag geantwort haben/ weil nit von nöthen nach
der lenge das zuerzelen/ was sonst an vilen orthem
in der Schrift vermeldet/ vnd nu täglich (Gott
lob) auff allen Canzeln verkündiget vnd getry-
ben wirdt.

Was aber das ander theyl diser 7. frag be-
langet/ weil es auch wol inn gar gütten vocation
vnd stenden/ auch bey den Heiligen nit so gar rein
zügeheth/ das von wegen der geldtsucht/ concupis-
centia oculorum, die handt etwas zü weit greyfft/
mehr nimmet vnd zü sich ziehet/ als jr erleubt vnd
befohlen: Wie dann solcher schwachheit halben
fleysch vnd blüt/ der Herz Christus zeytliche gü-
ter inn der gemeyn durch vnnnd durch/ bey den sei-
nen vnnnd auch weltleuten/ heist Mammona iniqui-
tatis, vngerechte güter/ darumb das grosse vnnnd
vberflüssige Schätz nicht so gar rein auß Gottes
seggen herfließen/ sondern vnser Hand auch mit
zügreyffe/

zugreiffen/ vñnd meh: Manna auffliſet dann be-
ſohlen/ vñnd ſonderlich aber im krieg vil geſchwin-
der practica vñnd ſinanzerey bey den Beuelchs-
leuten/ Geldt zu kriegen/ fürfallen: Wöllen wir
darauff den Herrn Chriſtum auch laſſen antwor-
ten/ vñnd vnſer weitleüffrige erklerung/ kürz hal-
ben nachlaſſen.

Demnach theilet der Herz ſolchen ſeinen ge-
trewen rath auch mit/ vñnd ſpricht/ Luce am 16.
iñ gleichnus vom vngetrewen Hauſhalter/ das
von ſolchen gütern ſollen gütte freündt gemach-
werden/ hat man damit ein zeytlang vbel hauſ
gehalten/ dauon geſchlemmet vñnd geprafft/ das
die gedancken auch nicht ſollen nach bleiben/ es
werde nit iñer ſo hinauf gehen/ Gott werde der-
mal eins rechenschafft von vnns fordern/ damit
wir in ihenem leben auch gütte freündt vñnd zeügen
haben/ welche ſagen mügen/ Ich bin hungerig ge-
weſen/ Herz er hat mich geſpeyſet/ Ich bin durſtig
geweſen/ Herz er hat mich getrencket etc. Durch
ſolchen gebrauch ſoll ein wenig der vngerechte
Mammon zügedeckt/ vñnd güt werden was böß
geweſen.

Solchen rath gibt der Prophet Daniel am
4. Cap.

4. Cap. auch dem König Nabuchodonosor welcher in höchsten nöthen war/vnnd vom Könige reich verlossen/auff dem feld wie ein wild thier/vmblauchfen/vnnd das gras essen solt/von wegen vbermäßiges mißbrauchs der vertrauerten güter zu grosser bracht/hochfart vnnd vbermüt/vnnd spricht darün: Herz König/laß die meinen raht gefallen/vnd mache dich los von deinen sünden/durch gerechtigkeit/vnnd ledig von deiner mißthat/durch wolthat an den armen/so wirt Gott gedult haben/mit deinen sünden.

Was aber mehr Sprüch inn der Schrift sein/auf welchen solchs noch weytläuffriger köndte erkläret werden/laß ich kürze halben nach/seytemal Gott lob / fromme Christen inn disem vnd dergleichen händel/genügsam verständiget vnd vnterichtet/das es nun mehr nicht am wissen/Sondern allein am thün vnnd angreyffen fehlet vnnd mangelt.

Wöllen nun das achte vnd letzte stück für vnns nemen.

Nach

VIII.

Nach dem jezunder die zeit in allen Stenden gefeslich/
sonderlich aber im Krieg/ als inn einer grundsuppen aller
laster vnd Gorlosen wemens vnd leben/ alle böse Buben in
einen hauffen zusamen lauffen/ vnd Kriegeleit nichts an
ders sein/ als mit einer Ketten zusam gefast vnd gekuppelt/
einen hauffen roher/ wilder vnnnd frecher leit/ bey welchen
sucht/ Ehr vñ Gottesforcht wenig platz hat: Wie ein from
mer Kriegsman/ als ein Lilien mitten vnter den dörnern/
sich soll verhalten/ das er ein güter Christ bleybe/ auch so es
die gelegenheit vnd noth gibt/ so wol vnnnd Christlich vom
grünen rasen/ als vom Todtbett/ gen Himmel faren kan.

In disem letzten stuck ist hoch von nöthen
gut vnd fleysig auff sehen/ zwar in allen stenden/
so wol als im krieg / seytemal zu disen letzten zey
ten/ in welchen die bosheyt vberhand genomien/
der frommen so wenig / das auch Christus küm
merlich glauben auff erden finden wirdt/ vnd do
die aufferwelten auch nit an irer Seelen seligkeit
sollen in gefar kommen/ die zeit vnnnd tag werden
müssen verkürzet werden/ vnnnd die rechten vnnnd
warhafftigen heyligen Gottes / nu nicht anders
allenthalben vnter einem hauffen böser Buben
sein vnnnd leben/ als ein Lilien vnter einem dicken
vnd grossen strauch dörnern/ wie Salomon sagt.
Vnd wiewol im Reich Christi allezeit gut vnnnd
böf vntereinander/ wie Christus solchs Mathei
K am 13.

am 13. anzeyget in der parabel von güthen vnnnd bösen Fischen/ So ist es doch an dem/ nach dem nu die Welt gar auff die hessen kommen/ der gute Wein aber rein abgeleütet/ vnd der man Danieles/ nu mehr gar auff den kotigen vnd dönern füßen rühet/ das nun die bosheit nit allein das maß erfüllet/ sondern dick vnd heuffig vberlaufft/ das sich ein Christ allenthalben wol für sehe/ inn diese gfehrliche zeit/ wie sie Paulus nennet 2. Thim. 3. richte vnd schicke.

Gleichwol weil im krieg grosse gefahr/ vnnnd mehr vrsach zu allen groben vnnnd Hauptünden/ muß es nit mit geringer arbeyt vnd auffsehen zu gehen/ das auch der gerecht erhalten werde/ vnd nicht vnter einem grossen hauffen tholler vnnnd schnarchender Jungkfrauen/ auch mit entschlafte/ vnnnd den eingang mit dem Preütigam/ zum ewigen leben verschlumer vnd verseume.

Damit wir aber kurz vonn diesem ganzen handel reden/ ist das der nächste weg/ vnnnd bester hadt/ gewisse hoffnung der ewigen seligkeit zu behalten/ auff dem engen steyg zum ewigen leben bleyben/ die grosse vnd gebahnte straf zum verdammnis zur lincken handt lygen lassen/ Das ein
fromer

fromer vnd Christlicher kriegsman/ bleibe vnd
verharre in steter erinnerung seiner Tauff/ vnd
vnauffhörlicher betrachtung des Pundts/ so er
mit Gott inn der Tauff aussgericht/ als nemlich/
das er der welt vnd sünden will abgestorben sein
vnd bleiben/des Teuffels abgesagter feind erster-
ben/nichts thun was im lieb vnd gefellig/seinen
eygen alten Adam thöden/die sünd inn im nicht
regieren oder herschen lassen/ vnd als ein newge-
borner Mensch von sünden entlediget/ in heylige
Keyt vnd gerechtigkeit leben will.

Do sich nun ein Christ auch im krieg/mitten
vnter einem hauffen abgeseimbter büben/solches
pundts kündte erinnern / kan es nicht fehlen / es
müß ain Christlicher wandel/Gottes forcht vnd
liebe auch darauff volgen.

Im fahl aber do ain Christ vom Teüfel be-
trogen/ von seinem eygen fleysch vbereylet/ vnd
inn der sündlichen Welt yrgend gestrauchelt /
Oder do es an offentlich sünd rein abgeht/ gleichs
wol allerley böse begirde vnd innerliche sünd vnd
schwachheyt fület / hat er sich züerinnern des fuß-
bades / welches der Herz Christus vor seynem
leyden vnd sterben gehalten/darinne angezaigt

vnd züersehen geben/Wie er als ein warhafftiger
getrewer Hoher Priester/ mitler vnd seligmacher /
als ein ewiger vnauffhörlicher Vatter vnd fridefürst/
wie in Esai. am 9. Cap nennet/ nit allein vns einmal
reinigen vnd zu gnaden annemen/sondern on vnterlaf
vnd on alles auffhören/wie ein mütter an irem Kind/
jmer an vns will waschen vnd Baden / bis wir der mal
eins auß dem Kot erzogen/ der vnreinigkeit durch den
Tod gar benommen/ inn ewiger heyligkeit/ ohne ferner
sünd vnd vnreinigkeit/ mit jm leben vnd herschen.
Darnü mag im ein Kriegsmann/ solchs wol einbilden/
vnd im den spruch Johannis am 2. lassen befohlen sein/
weil es schwerlich vnd kümmerlich zügehelt/wie Salomon
saget/ inn die mül gehen vnd sich nit melich machen/
Bech anrühren das an fingern nit kleben bleybt/
beim Teuffel in der herberig sein/vnter lauter bösen
bäben leben/ vnd nicht auch verunreyniget werden/
do er also spricht: Das ist die verkündigung/
die wir von jm gehört haben/ vnd euch verkündigen/
das Gott ein liecht ist/ vnd in jm ist kein finsternus/
So wir sagen das wir gemeinschaft mit jm haben/
vnd wandeln in finsternus/ so lyegen wir/ vnd thun
nicht die warheyt / So wir aber in liecht wandeln/
wie er in liecht ist/ so haben wir
gemeins

gemeinschaft vntereinander/ vnnnd das blüt Jesu Christi/seines Sons/ machet vns rein von aller sünde. So wir sagen wir haben nicht gesündigt/ so machen wir in zum lügner/vnnnd sein wort ist nicht inn vnns/ Solchs schreib ich euch/ auff das jr nicht sündiget/ vnnnd ob jemandt sündiget/ so haben wir einen fürsprecher bey dem Vatter/ Jesum Christ / der gerecht ist/ vnnnd derselbige ist die versönung für vsere sünd 2c.


Wenn sich aber ein Kriegsmann in disen beyden stücken also verhält/ gibt sich das dritte selbst/ als nemlich/ die form vnnnd Regel/ welche Lucas am 3. Cap. den Kriegslüten fürscreibet/welche so sie sich also verhalten/ mit Gott vnnnd güttem gewissen/ in irem berüff bleiben können/vnnnd do es so weyt kompt/ gleich so nahent vom grühnen Rasen/als auß dem Todbette gehn Himel haben: do er spricht/ Thue nyemandt gewalt noch vnrecht/ vnd lasset euch benügen an ewrem sold.

Wie aber ein Kriegsmann nyemand gewalt noch vnrecht thün/vnnnd sich an seinem sold benügen soll lassen/ das haben wir allbereyt in den vorgehenden stücken/ allens thalben angerühret vnd gehandelt.

1857857

Gedruckt zu Franck-
furt an der Oder/
durch Johann
Gyhorn.

U N N O
M. D. LVIIJ.



4007